

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
GRADONAČELNIK**

IZVJEŠTAJ

**sa javne rasprave o Nacrtu Budžeta Grada Tuzla
za period 01.01.- 31.12.2021.godine i Nacrtu Odluke o izvršavanju Budžeta
Grada Tuzla za 2021.godinu**

**OBRAĐIVAČ:
SLUŽBA ZA BUDŽET I FINANSIJE**

Tuzla, februar 2021.godine.

SADRŽAJ

UVOD.....	3
1. PRIMJEDBE, PREDLOZI I SUGESTIJE VIJEĆNIKA GRADSKOG VIJEĆA TUZLA.....	4
1.1. PRIMJEDBE, PRIJEDLOZI I SUGESTIJE VIJEĆNIKA DATI NA SJEDNICI GVT.....	4
1.2. PRIJEDLOZI VIJEĆNIKA GVT PRISTIGLI PUTEM MAIL-a ILI U PISANOJ FORMI U TOKU TRAJANJA JAVNE RASPRAVE.....	12
2. PRIMJEDBE, PRIJEDLOZI I SUGESTIJE GRADSKIH SLUŽBI.....	16
2.1. SLUŽBA ZA INSPEKCIJSKE POSLOVE.....	16
2.2. SLUŽBA CIVILNE ZAŠTITE.....	16
2.3. SLUŽBA ZA GEODETSKE I IMOVINSKO - PRAVNE POSLOVE.....	16
2.4. STRUČNA SLUŽBA GRADSKOG VIJEĆA.....	17
2.5. SLUŽBA ZA BIZ, STAMBENE POSLOVE I INTEGRACIJU RASELJENIH LICA.....	17
2.6. SLUŽBA ZA EKONOMSKI RAZVOJ, PODUZETNIŠTVO I POLJOPRIVREDU.....	18
3. PRIMJEDBE, PRIJEDLOZI I SUGESTIJE JAVNIH USTANOVA KOJE SU U SISTEMU TREZORA.....	20
3.1. JU CENTAR ZA KULTURU TUZLA.....	20
3.2. JU CENTAR ZA SOCIJALNI RAD TUZLA.....	20
3.3. JU ZA PREDŠKOLSKI ODGOJ I OBRAZOVANJE „NAŠE DIJETE“ TUZLA.....	21
4. PRIMJEDBE, PREDLOZI I SUGESTIJE KOJE SU U TOKU TRAJANJA JAVNE RASPRAVE PRISTIGLE U SLUŽBU ZA BUDŽET I FINANSIJE PUTEM MAIL-a ILI U PISANOJ FORMI.....	21
5. ZAKLJUČCI I IZVJEŠTAJ SA ODRŽANE JAVNE RASPRAVE O NACRTU BUDŽETA GRADA TUZLA ZA 2021.GODINU SA PREDSTAVNICIMA ORGANIZACIJA IZ OBLASTI BIZ-a.....	31
6. ZAKLJUČCI I IZVJEŠTAJ SA ODRŽANE JAVNE RASPRAVE O NACRTU BUDŽETA GRADA TUZLA ZA 2021.GODINU SA PREDSTAVNICIMA JAVNIH PREDUZEĆA, JAVNIH USTANOVA I NEVLADINOG SEKTORA IZ OBLASTI RAZVOJA, PODUZETNIŠTVA I POLJOPRIVREDE.....	31
7. IZVJEŠTAJ SA ODRŽANE JAVNE RASPRAVE O NACRTU BUDŽETA GRADA TUZLA ZA 2021.GODINU SA PREDSTAVNICIMA IZ OBLASTI KULTURE, SPORTA, PITANJA MLADIH, SOCIJALNE ZAŠTITE I NEVLADINOG SEKTORA.....	34
7.1. IZJAŠNJENJE NA PRIJEDLOGE I SUGESTIJE KOJE SU VIJEĆNICI GV TUZLA UPUTILI U TOKU 2. REDOVNE SJEDNICE GRADSKOG VIJEĆA TUZLA, A KOJI SE ODNOSU NA NADLEŽNOSTI SLUŽBE ZA KULTURU, SPORT, MLADE I SOCIJALNU ZAŠTITU.....	37
8. IZJAŠNJENJE NA PRIJEDLOGE I PRIMJEDBE NA NACRT BUDŽETA GRADA TUZLA ZA 2021. GODINU A KOJI SE ODNOSU NA NADLEŽNOSTI SLUŽBE ZA KOMUNALNE POSLOVE, IZGRADNJU I POSLOVE MJESNIH ZAJEDNICA.....	39
9. IZJAŠNJENJE SLUŽBE ZA BUDŽET I FINANSIJE NA PRIJEDLOGE I PRIMJEDBE NA NACRT BUDŽETA GRADA TUZLA ZA 2021.GODINU.....	43
10. ZAKLJUČAK.....	46

UVOD

Nacrt Budžeta Grada Tuzla za period 01.01. – 31.12.2021. godine i Nacrt Odluke o izvršavanju Budžeta Grada Tuzla za 2021.godinu razmatrani su i usvojeni na 2. redovnoj sjednici Gradskog vijeća Tuzla, održanoj dana 29.01.2021. godine. Tom prilikom Gradsko vijeće donijelo je Zaključke kojima je usvojilo nacrt ovih dokumenata koji se upućuju na javnu raspravu u trajanju od 15 dana i ovlastilo Gradonačelnika da donese Odluku o načinu provođenja javne rasprave.

Na osnovu Zaključka sa ove sjednice Gradonačelnik je, dana 29.01.2021. godine, donio Odluku o načinu provođenja javne rasprave, broj: 02/04-A-001239-2021 kojom se zadužuju:

- Služba za komunalne poslove, izgradnju i poslove MZ-a da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2021. godinu sa korisnicima Budžeta Grada Tuzla koji su planirani Nacrtom Budžeta u okviru sredstava ove Službe.
- Zadužuje se Služba za ekonomski razvoj, poduzetništvo i poljoprivredu da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2021. godinu u dijelu sredstava koja se odnose na korisnike iz oblasti razvoja, poduzetništva i poljoprivrede, te da u istu uključi javna preduzeća i javne ustanove, čiji je osnivač Grad Tuzla, a korisnici su Budžeta Grada Tuzla.
- Zadužuje se Služba za kulturu, sport, mlade i socijalnu zaštitu da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2021. godinu u dijelu sredstava koja se odnose na korisnike iz oblasti kulture, sporta, mladih, socijalne zaštite i druga udruženja građana, a korisnici su Budžeta Grada Tuzla.
- Zadužuje se Služba za boračko-invalidsku zaštitu, stambene poslove i integraciju raseljenih lica da organizuje i provede javnu raspravu o Nacrtu Budžeta i Nacrtu Odluke o izvršavanju Budžeta Grada Tuzla za 2021. godinu u dijelu sredstava koja se odnose na korisnike iz oblasti boračko-invalidske zaštite.

Gradonačelnik je dana 29.01.2021.godine uputio Javni poziv za javnu raspravu o Nacrtu Budžeta Grada Tuzla za 2021.godinu i Nacrtu Odluke o izvršavanju Budžeta Grada Tuzla za 2021.godinu, broj: 02/04-A-001240-2021, kojim su pozvani građani, organizacije, pravna lica i drugi zainteresovani subjekti da u periodu provođenja javne rasprave lično ili putem svojih organizacija dostave svoje prijedloge, primjedbe i mišljenja na Nacrt Budžeta i Nacrt Odluke o izvršavanju Budžeta Grada Tuzla za 2021. godinu.

Usvojeni Nacrt Budžeta Grada Tuzla za 2021.godinu, Obrazloženje Nacrt Budžeta Grada Tuzla za 2021.godinu i Nacrt Odluke o izvršavanju Budžeta Grada Tuzla za 2021. godinu objavljeni su na Web stranici Grada Tuzla. Javni poziv objavljen je u elektronskim medijima i na Web stranici Grada Tuzla.

1. PRIMJEDBE, PREDLOZI I SUGESTIJE VIJEĆNIKA GRADSKOG VIJEĆA

1.1. PRIMJEDBE, PRIJEDLOZI I SUGESTIJE VIJEĆNIKA DATI NA SJEDNICI GVT

U skladu sa Zaključcima II redovne sjednice Gradskog vijeća Grada Tuzla održane dana 29.01.2021.godine, primjedbe i sugestije svih vijećnika u vezi sa Nacrtom Budžeta Grada Tuzla za 2021.godinu predstavljaju sastavni dio javne rasprave.

Služba za budžet i finansije je na osnovu izvoda iz Stenograma II sjednice pripremila pregled primjedbi i sugestija vijećnika Gradskog vijeća Tuzla, kako slijedi:

- ALEN KAPIDŽIĆ (SDP)

Klub SDP-a podržava Nacrt.

Predsjednik kluba SDP-a je dao dva prijedloga na Nacrt budžeta za 2021.godinu, kako slijedi:

- zajednički prijedlog SDP-a sa vijećnicima iz parlamentarne većine SBB, TA, DF i predstavnika nacionalnih manjina da sredstva iz Budžeta Grada Tuzla za 2021.godinu koja su namjenjena za sport i sportske klubove trebaju ostati na prošlogodišnjem nivou, obzirom da su u Nacrtu za 2021.godinu značajno umanjena.

- prijedlog ispred Kluba SDP-a, da visina sredstava na ekonomskom kodu „614329-26- Grant za tekuće poslovanje DOO Tržnice pijace Tuzla“ ostane na prošlogodišnjem nivou kako bi se omogućilo neometano funkcionisanje ovog preduzeća.

- ZIJAH RIFATBEGOVIĆ (SDA)

- Ističe da će prijedloge na Nacrt Budžeta za 2021.godinu dati u pisanoj formi u toku trajanja javne rasprave.

- Mišljenja je da se Dokument okvirnog Budžeta Grada Tuzla za period 2021.-2023.godina trebao revidirati prilikom izrade Nacrta Budžeta za 2021.godinu, da su plaće uposlenih u gradskoj upravi i javnim ustanovama, kao i naknade vijećnicima GVT, u Nacrtu Budžeta za 2021.godinu povećane, te konstatuje da se ne smiju povećavati obzirom na stanje ekonomije zbog pojave pandemije, te smatra da ta povećanja zahtjevaju ozbiljnu analizu i obrazloženje. Konstatuje da od planiranih sredstava u prošloj godini za izgradnju stadiona utrošeno samo 8 % dok su planirana sredstava za izgradnju poslovnih prostora utrošena 88%. Postavlja pitanje da li je naplata kirija od poslovnih prostora važija od dobrobiti svih građana korisnika JU GS Tušanj. Ako je odgovor da je tako bilo zbog pandemije zašto isto nije važno i za poslovne prostore.

Primjedba: u Nacrtu za 2021.godinu nisu planirana sredstva za izgradnju stadiona Tušanj ali za nabavku poslovnih prostora je planirano 50.000,00 KM. Mišljenja je da se ta sredstva mogu puno afirmativnije uložiti u razvoj sporta.

- MENSUR ALIĆ (TUZLANSKA ALTERNATIVA)

Predlaže da se planira 200.000 KM za JU Dom zdravlja i to odmah prilikom usvajanja budžeta, za rekonstrukciju plućnog odjela (da se odvoji ulaz pacijenata i ulaz zaposlenog osoblja, nabavi određena oprema koja nedostaje i izvrši kompletna zamjena prozora).

- U replici naglašava da je Vlada FBiH je dodjelila budžetu TK 40 miliona KM za potporu privredi i pandemiji, od čega je Vlada TK potrošila samo 2 miliona za podršku privrednicima na području TK.

- NEDŽAD MALIKIĆ (TUZLANSKA ALTERNATIVA)

Vezano za Nacrt Budžeta za 2021.godinu konstatuje i predlaže sljedeće:

- da se sredstva za subvencioniranje kamata mladima planira na nivou prošlogodišnjeg budžeta, odnosno da se poveća sa trenutnih 100.000,00 KM na 150.000,00 KM, obzirom na zainteresiranost mladih koji ispunjavaju uslove.
- prioritarno obezbjediti sredstva za realizaciju projekata izgradnje, rekonstrukcije i održavanja puteva za projekte gdje su građani dali svoje učešće u vlastitim sredstvima za ove namjene,
- provjeriti koliki je kapacitet postojećeg vrelovoda i ukoliko se ustanovi da su njegovi kapaciteti već iscrpljeni da se planira jedna veća investicija za izgradnju novog vrelovoda kako bi se brže krenulo u realizaciju same toplifikacije,
- da se sredstva za održavanje higijene grada, zimke službe i zelenih površina povećaju obzirom da je grad Tuzla dobio novih 150 kilometara zelenih površina koje je neophodno održavati,
- da se planira 300.000,00 KM za zamjenu postojeće rasvjete LED rasvjetom na južno – sjevernoj saobraćajnici, obzirom na ekonomsku opravdanost i dugoročne uštede na potrošnji električne energije,
- smatra da su sredstva za izgradnju i čišćenje korita vodotoka nedovoljna jer su rijeke bujanjem već oštetile izgrađena korita,
- grantovi za energetska efikasnost planirana sredstva su dovoljna osim što treba promjeniti u Odluci kako i na koji način građani mogu aplicirati,
- podržava kapitalni grant za JU Dom penzionera iz razloga što će se na taj način smanjiti potrošnja energije a uštededena energija će se proširiti na druga mjesta.

- SABIHA MUJKANOVIĆ MUJAČIĆ (SBB)

Konstatuje sljedeće vezano za izdvajanja iz budžeta prethodne godine:

- da je dosta urađeno i da se nastavlja raditi na toplifikaciji grada, da su udruženjima poljoprivrednika povećana sredstva.

Vezano za Nacrt Budžeta za 2021.godinu konstatuje i predlaže sljedeće:

- da se u prijedlog budžeta za 2021.godinu uvrsti pozicija Gender akcioni plan u iznosu koji bi bio dokaz spremnosti da se konačno dobije Gender akcioni plan,
- da se poboljšaju uslovi rada Pedijatrijske službe Doma zdravlja Tuzla, da se podrži rad amaterskih nogometnih klubova, poveća broj zelenih površina i sportskih igrališta, da se poboljša komunalna infrastruktura, da se poboljša stanje prostorija mjesnih zajednica, da se profesionalnoj vatrogasnoj brigadi obezbjedi potrebna oprema,
- da se izdvoje sredstva za medicinski potpomognutu oplodnju ukoliko je u 2020.godini bilo interesa građana,
- da se po ugledu na park pravednika u Evropi i svijetu razmatra prijedlog da se slično napravi i u Tuzli obzirom da Tuzla ima veliki broj ljudi kojima duguje zahvalnost i poštovanje (heroji, zlatni ljljani, pisci, slikari, umjetnici, sportisti).

- ADMIR ČAVALIĆ (Stranka za Bosnu i Hercegovinu)

Vezano za Nacrt Budžeta za 2021.godinu konstatuje i predlaže sljedeće:

- da je budžet uravnotežen, skroman, socijalno orijentiran, te da mu nedostaje razvojna komponenta,
- da je potrebno jačanje razvojne komponente budžeta i prihodovne strane kroz učešće u što više međunarodnih projekata,
- pohvaljuje ukidanje komunalne naknade i smatra da se građane ne treba dodatno oporezivati,
- povećati utrošak sredstava od prihoda od naknade ostvarenih radom od termoelektrana u svrhu toplifikacije kako bi riješili pitanje zagađenosti zraka. Sa trenutnih 46% tih sredstava povećati na 75% za namjene smanjenja zagađenosti,
- povećati procenat ulaganja budžetskih sredstava na izgradnju vrelvodne mreže,
- grantove pojedincima povećati sa 20.000,00 KM na 40.000,00 KM,
- povećati grant za aktivnu politiku zapošljavanja,
- smanjiti grant za rad parlamentarnih grupacija,
- obrazložiti povećanje granta za NERDU za 11.000,00 KM u odnosu na prošlogodišnji budžet,
- smatra da je trenutno neopravdano izvajanje za Kapitalni projekat ekološke efikasnosti Doma penzionera u iznosu od 500.000,00 KM, te da se ista sredstva trebaju utrošiti na smanjenje zagađenosti zraka. Smatra da bi navedenu stavku trebalo isključiti iz budžeta obzirom da Dom penzionera ima svoje korisnike i sredstva te da treba pokušati nekim drugim načinima da riješi taj problem,
- konstatuje da je potrebno sve redovne korisnike budžeta (javna preduzeća, javne ustanove, nevladine organizacije) koji ostvaruju svoje prihode isključiti iz budžeta, te putem javnih poziva birati finansiranje onih koji ostvaruju najbolje kriterije,
- podržava dnevni centar za stare osobe ,
- podržava prijedlog za povećanje sredstava za FK Sloboda.

ADMIR ČAVALIĆ, U PONOVNOM JAVLIJANJU - Konkretni prijedlozi

- Traži zaključak da se izvrše uštede od 10% svih sredstava u budžetu svim stalnim korisnicima, dakle NVO ili JU zbog aktuelne COVID recesije. Da se pokuša smanjiti svim NVO I JU a čiji iznos sredstava iz budžeta prelazi 50.000,00 KM. Zlatno pravilo ekonomije smanjenje 10% se može u okviru tekućeg poslovanja riješiti kroz restrukturiranje a da se to i ne osjeti.
- Smanjiti 10% stavku za rad parlamentarnih grupacija.
- Napuniti COVID fond jer se za privredu ništa ne radi iz postojećeg budžeta
- Pomoći obrtnike putem potsticaja ali uz uslov u javnim pozivima da se digitalno transformišu i promjeni svoj model poslovanja i prilagodi se kako bi mogao poslovati u okruženju koje je uzrokovano COVID pandemijom.
- Sredstva za subvencioniranje kamata mladih ne povećavati iznos koji je trenutno u nacrtu a to je 100.000,00 KM, iz razloga što treba izvršiti reformu dodjele tih sredstava, smatra da nije ispravno da pravo na ove subvecije ostvaruju i mladi koji kupuju stanove od 300.000,00 KM.
- Vezano za mjesne zajednice, podržava prijedlog vijećnika Hirkića, predlaže racionalniji način, odnosno da im se za početak dodjeli po 10.000,00 KM, ali bi to bilo ukupno 400.000,00 KM za sve mjesne zajednice a to su sredstva koja se mogu iznaći kroz gore navedene uštede. Samo mjesne zajednice koje budu imale projekte mogle bi povući tih 10.000,00 KM.
- Traži obrazloženje povećanja prihoda po osnovi zakupa u organizacionoj jedinici JU Stadion Tušanj Tuzla.
- Traži da se veći procenat sredstava prikupljenih od naknade Termoelektrane koristi direktno za ekološke projekte.

- Podržava vijećnika Rastodera, vezano za MZ Solana, koja ima mnogo problema od klizišta do nelegalne gradnje i godinama je diskriminisana, a u blizini je TE Tuzla, te obvezno treba izdvojiti više sredstava za ovu mjesnu zajednicu.
- Izdvojiti više sredstava za kulturnu bašinu.

- SELMA ĆATIBUŠIĆ (Platforma za progres)

Vezano za Nacrt Budžeta za 2021.godinu konstatuje i predlaže sljedeće:

- povećati iznos dodijeljen Slobodi,
- sredstva Fonda Termoelektrane koristiti namjenski za eko projekte, prvenstveno za toplifikaciju,
- izdvojiti sredstva za nabavku novih mamografa u Domu zdravlja Tuzla,
- uvrstiti u budžet stavku za Gender akcioni plan koja je pretpostavka za ostvarivanje uslova za usvajanje Gender akcionog plana koji Tuzla nema od 2016.godine,
- smanjiti naknade komisijama GVT na visinu dnevnica,
- uložiti u izgradnju čitaone za studente obzirom da je Tuzla univerzitetski grad koji nema čitaonu za studente,
- aplicirati na evropske projekte,
- prioritetno rješavanje toplifikacije, vodosnadbijevanja i priključenje na sistem vodosnadbijevanja MZ-a koji nisu na sistemu,
- ulagati u sport i podržati manje klubove koji su uspješni u našem gradu, kao npr. Šahovski klub Sloboda koji su prvaci trenutno ali nemaju sredstava da odu na takmičenje,
- da se u Budžetu planiraju sredstva u COVID fondu.

- MIREL MIŠKOVIĆ (SD BIH)

Vezano za Nacrt Budžeta za 2021.godinu daje podršku i da ide u javnu raspravu u trajanju od 15 dana, vezano za raspored sredstava Nacrtom budžeta za 2021.godinu Klub vijećnika SD BIH će amandmanski djelovati prilikom usvajanja Budžeta i nakon sagledavanja primjedbi i prijedloga građana po završetku javne rasprave.

Postavlja pitanja predlagачu za dodatna pojašnjenja vezano za sljedeće:

- obrazloženje suficita u iznosu od 5.100.000,00 KM u dijelu Fonda sredstava od naknade za prihode ostvarene radom termoelektrana;
- koliko je sredstava povučeno, koliko realizovano vezano za kredit JKP Vodovod i kanalizacija obzirom da je počela otplata;
- amandmanski će djelovati da se povećaju sredstva za Aero klub koja su planirana u iznosu od 12.000,00 KM;
- postavlja pitanje da li su planirana sredstva za higijenu grada, zimsku službu i održavanje zelenih površina povećana za 100%.

- SENAD MEHMEDINOVIĆ (PDA)

Vezano za Nacrt Budžeta za 2021.godinu konstatuje da Klub HDZ-a i PDA podržavaju Nacrt budžeta i predlaže sljedeće:

- da se od 300.000,00 KM koja su planirana za nabavku prostorija MZ Sjenjak izvoji iznos od 100.000,00 KM i usmjeri na odrađivanje pripravničkog staža za sve dobne kategorije stanovništva, obzirom da ima mnogo osoba koje imaju 40 godina života a nisu imali priliku da odrade pripravnički staž;
- da se precizira šta znači održavanje kompleksa Slana banja obzirom da je na poziciji planirano 50.000,00 KM;
- podržava i smatra opravdanim ulaganje u energetska efikasnost Doma penzionera;

- podržava izgradnju Parka Ilinčica, naglašava da će amandmansi djelovati da park bude arhitektonski prilagođen za populaciju osoba sa invaliditetom po modelu Slana banja.
- pohvaljuje kapitalna ulaganja za rekonstrukciju objekta za potrebe Dnevnog centra za demenciju u Domu penzionera;
- pohvaljuje transfer za rad UG Viva žene obzirom da se bave raznim programima, te ističe kao bitan program rehabilitacije žrtava nasilja (psihoterapija, savjetovanje, podrška za svjedočenja), obzirom na aktuelna dešavanja u vezi seksualnog uznemiravanja podnijet će inicijativu da se donese rezolucija o sprečavanju seksualnog nasilja i uznemiravanja.

- NEDŽAD JUSIĆ (nezavisni vijećnik iz reda nacionalnih manjina)

Vežano za Nacrt Budžeta za 2021.godinu konstatuje i predlaže sljedeće:

- neophodno je podržati finansijski uspješne nevladine organizacije na način da im se dodjeli dio finansijskih sredstava koja bi bila ulazna finansijska sredstva tim organizacijama čime bi im se omogućilo da apliciraju većim donatorima za projekte, a naročito udruženjima koja pružaju socijalne usluge i na taj način pomažu građanima,
- napominje da su NVO koje okupljaju nacionalne manjine relativno zadovoljne prošlogodišnjim budžetom kao i sa Nacrtom budžeta za 2021.godinu, ali da je potrebno da udruženja nacionalnih manjina, posebno romska udruženja koja su aktivna, koja zadovoljavaju sve kriterije, imaju sistemsko finansiranje iz budžeta, a kako bi ista mogla aplicirati na IPA fondove gdje je uslov da imaju učešće od 20% svojih sredstava, kao i kod drugih donatora gdje je neophodno učešće sa vlastitim sredstvima da bi se dobila donatorska sredstva. Naglašava da bi ta sredstva bila samo ulazna finansijska sredstva za rast i razvoj tih udruženja a nikako sredstva za redovnu potrošnju.

- ELVIR BIJEDIĆ (SDP)

- pohvaljuje učešće iz budžeta u izgradnji zgrade Muzičke škole Tuzla, gdje Grad učestvuje sa 70.000,00 KM prema TK,
- ističe da su u prošloj godini podržani obrtnici i privrednici sa 1.200.000,00 KM kroz Covid fond, te da je siguran da će i u 2021.godini Grad podržati poduzetnike ukoliko se desi nepredviđena situacija ili se pogorša epidemija,
- kada je u pitanju sport naglašava da se kroz budžet Grada podržava sport i da se uvijek podržavao. Predlaže zaključak da se apeluje na više nivoe vlasti, obzirom da je direktna nadležnost kantona da finansira sport, da podrži sportske klubove, sportske objekte, konkretno Stadion Tušanj i SKPC Mejdan,
- ističe da je Grad pomogao subvencijama obrtima koji su registrovani na području grada Tuzla u okviru svojih nadležnosti, u vidu subvencija za komunalije, zakup prostora ili za šta je vlasnik aplicirao, te smatra da su građani bili zadovoljni mjerama pomoći. Također ističe da je važno znati da je subvencioniranje obaveza prema uposlenima u smislu plaća, doprinosa u nadležnosti Vlade Federacije, te da je Vlada odobrila neka sredstva kantonu u te namjene za općine i gradove koje pripadaju kantonu.

- ĆERIM RASTODER (SDA)

Vežano za Nacrt Budžeta za 2021.godinu konstatuje i predlaže sljedeće:

- da se obavezno planiraju sredstva za uređenje terena na Stadionu Tušanj, te podržava inicijativu da se ne umanjuju sredstva za sportske kolektive.

Vežano za daljnji rad GVT ističe da je neophodno da se GVT u u toku ovog mandata posveti rješavanju problema koje godinama imaju MZ Moluhe i MZ Solana, te ističe sljedeće probleme:

- problem šljačišta, azila za pse, smetljište na vrhu Moluške rijeke za koje je neophodno da se izvrši rekonstrukcija istog,
- da se pokuša riješiti problem legalizacije stambenih objekata MZ Moluhe i MZ Solana obzirom da se radi o rudnom području te da 4.000 do 5.000 stambenih objekata nema građevinske dozvole i zbog nerješениh imovinsko-pravnih odnosa nemaju mogućnost apliciranja za utoplјavanje.

- LEJLA OSMANČEVIĆ (SBB)

Vezano za Nacrt Budžeta za 2021.godinu konstatuje i predlaže sljedeće:

- borba protiv COVID 19 i aerozagađenja treba da budu prioritetni ciljevi u planiranju sredstava u Budžetu Grada Tuzla za 2021.godinu.
- Klub SBB-a će podržati prijedlog da se 200.000,00 KM ili više usmjeri prema Domu zdravlja Tuzla uz konstataciju da je neophodno omogućiti kvalitetan zdravstveni sistem.

- ESANA KAVAZBAŠIĆ HUSKANOVIĆ (Platforma za progres)

Vezano za Nacrt Budžeta za 2021.godinu konstatuje i predlaže sljedeće:

- konstatuje da ne postoji stavka u budžetu koja je namijenjena za pomoć realnom sektoru koji se nalazi u jako teškim uslovima, te da se mora iznaći način da se pomogne realnom sektoru kroz smanjenje parafiskalnih nameta, omogućavanje besplatnih reklama ili druge načine,
- smatra da je potrebno postaviti više kanti za smeće u gradu, posebno malih kanti, te da se iste trebaju redovno prazniti. Smatra da je potrebno da se uvede komunalna policija kako bi se regulisali problemi bacanja smeća na nedozvoljenim mjestima i slično;
- podržava Gender akcioni plan te smatra da više žena treba biti na svim nivoima vlasti i na svim mogućim radnim mjestima,
- sagledati mogućnost organizovanja produženog boravka za djecu samohranih roditelja obzirom da je nastava u osnovnim školama organizovana na način da učenici jednu sedmicu pohađaju nastavu, a drugu su oslobođeni odlaska u školu, zbog čega mnogi samohrani roditelji nemaju gdje ostaviti djecu jer im nisu dovoljno visoka primanja da bi mogli platiti nekoga da im čuva djecu u sedmici kada djeca ne pohađaju nastavu;
- da se u sastav hitne službe uvede i 24/7 stomatološka služba kako bi građani imali mogućnost odlaska stomatologu i u noćnim satima;
- da pokuša riješiti problem nenatkrivenih bus stajališta u gradu, kako bi djeca mogla čekati autobus zaštićena od padavina.

- HASIB HIRKIĆ (SD BIH)

Vezano za Nacrt Budžeta za 2021.godinu konstatuje i predlaže sljedeće zaključke:

- obzirom da mjesne zajednice nemaju status pravnog lica i da većina prigradskih mjesnih zajednica dugi niz godina ne dobija nikave projekte, iznosi zaključak da u Nacrt budžeta treba uvrstiti da svaka mjesna zajednica dobije po 100.000,00 KM nakon čega bi građani vodili javne rasprave unutar mjesnih zajednica, delegirali projekte koji bi išli prema Službi za komunalne poslove, izgradnju i poslove MZ-a, a da ti isti projekti moraju biti realizovani u narednoj godini;
- podržava inicijativu za Dom zdravlja, smatra da je potrebno izdvojiti i više od 200.000,00 KM, obzirom na probleme s kojima se Dom zdravlja susreće, predlaže da se iznos od 150.000,00 KM za Dom zdravlja obezbjedi umanjenjem dodjeljenih sredstava za RTV7;
- konstatuje da su sredstva za Aero klub prepolovljena;
- zahtjev da se uvrsti nova pozicija u budžetu za finansiranje kluba sjedeće odbojke koji je jedinstven na području grada Tuzla „26.avgust“ .

- ŠEFIK HUSIĆ (SDA)

Vezano za Nacrt Budžeta za 2021.godinu konstatuje i ulaže sljedeće primjedbe:

- primjedba da su nepotrebna sredstva koja su na Fondu za zaštitu i spašavanje u iznosu od 2.700.000,00 KM, te da u Nacrtu nije planirano ništa na Fondu za ublažavanje posljedica izazvanih COVID-om 19, smatra da je neophodno tu planirati sredstva jer i dalje imamo stanje pandemije i nije poznato u kojem pravcu će to ići,
- smatra da je puno planirano i traži pojašnjenje vezano za sljedeća izdvajanja:
„Izdaci za električnu energiju za javnu rasvjetu“ u iznosu od 1.784.000,00 KM, također i za „Izgradnja i održavanje javne rasvjete“ u iznosu od 840.000,00 KM,
- Smatra da je previše u periodu pandemije da se ulaže u izgradnju mostova u iznosu od 437.000,00 KM,
- smatra da je previše da se u periodu pandemije ulaže u nabavku postorija za MZ Sjenjak u iznosu od 300.000,00 KM i nabavku zemljišta u iznosu od 300.000,00 KM,
- podržava inicijativu da se pomogne Domu zdravlja jer isti cijelu godinu nije mogao odgovoriti svojim zadacima jer nema adekvatnu opremu, te da se Domu zdravlja dodjele sredstva isključivo za opremu, a ne za popravku prozora i kancelarija, obzirom da menadžment Doma zdravlja putem donacija i projekata može riješiti pitanje rekonstrukcije,
- navodi da vezano za utrošak el.energije za javnu rasvjetu koji je ranije spomenuo u cilju je da se napravi ušteda. Trenutno je najbitnije da se zaštiti zdravlje građana što je moguće ulaganjem u razvoj primarne zdravstvene zaštite i time bi se rasteritili resursi tercijernog nivoa zdravstvene zaštite, odnosno bolničkog liječenja. Ističe da je prije kupovine zemljišta, objekata i slično interes građana omogućavanje bolje zdravstvene zaštite.

- OMER BERBIĆ (NAŠA STRANKA)

Vezano za Nacrt Budžeta za 2021.godinu konstatuje i ulaže sljedeće primjedbe:

- apsurdno je da javne kompanije koje su na tržištu i imaju sve iste uslove kao privatne kompanije, imaju konfor da se finansiraju iz budžeta, navodi kao primjer RTV7 za koji ističe da bi trebao da bude u mogućnosti da se samofinansira ili da barem smanji dio koji se finansira iz budžeta za 30%, također opravdano je da JP SKPC Mejdan dobije iz budžeta za sanaciju štete od poplave, ali ne bi trebalo da se redovno finansira iz budžeta (na ovu primjedbu se nakon pojašnjenja koje je dala vjećnica Merima Sprečić Softić slaže da je finansiranje opravdano).Opravdanost redovnog finansiranja iz budžeta bila bi za Inkubator Lipnica koji pomaže da mladi mogu početi svoje biznise,
- nedovoljna sredstva za aktivnu politiku zapošljavanja u iznosu od 20.000,00 KM,
- nepojmljivo je da se povećavaju naknade troškova zaposlenih;
- potrebno je pojašnjenje vezano za naknade članovima GIK u iznosu od 16.000,00 KM, tj.zbog čega se u 2021.godini planira finansiranje naknada članovima Gradske izborne komisije;
- nisu planirana sredstva za grant pomoći za kovid iako i dalje traje pandemija;
- nisu planirana sredstva za izgradnju Stadiona Tušanj, ali smatra da je neophodno da se obnova terena završi u ovom mandatu obzirom da je u lošem stanju;
- pokrenuti inicijativu da se dok traje kovid smanje naknade vijećnicima i komisijama vijeća za 10 ili 20%,
- inicijativa da se od 50.000,00 KM, tj.iznosa koji je dodjeljen za finansiranje Istina, pravda, pomirenje, pola tih sredstava planira za Udruženej 25.maj,
- obnoviti opremu Profesionalnoj vatrogasnoj brigadi,
- vratiti nivo finansiranja Slobode na prošlogodišnji,

- komentar da se kulturna baština raspada i da je iznos od 18.000,00 KM za kulturnu baštinu mizeran, te da cifru treba povećati za bar 5 puta da bi se izvršile samo sanacije, te da je potrebno sanirati Barutanu i partizansko groblje,
- pohvaljuje uređenje izletišta Ilinčica obzirom da je u interesu svih građana.

- MERIMA SOFTIĆ SPREČIĆ (SDP)

Vezano za Nacrt Budžeta za 2021.godinu konstatuje i ulaže sljedeće primjedbe:

- ističe da je neophodno redovno finansiranje Mejdana obzirom da Grad pomaže trenažni proces za mnoštvo registrovanih sportskih klubova koji imaju reprezentativne učinke koji bi se ugasili kada ne bi imali plaćen trenažni proces u JP SKPC Mejdan;
- sredstva za sport ostaviti na prošlogodišnjem nivou, obzirom na teške okolnosti u cijeloj BIH zbog pojave pandemije, treba imati u vidu trenažni proces, da su klubovi naporno radili, da su se održavala takmičenja i da im je potrebno obezbjediti sredstva na nivou prošle godine kako bi i dalje održali kontinuitet;
- da sredstva za KK Jedinstvo ostanu na nivou 2020.godine jer su nacrtom smanjena za 10.000,00 KM, uz obrazloženje da su im ista neohodna kako bi opstali tokom cijele godine;
- Klub Futsal Salines je ušao u Euro ligu, zato je veoma važno da se sredstva za sport ne umanjuju.

ANEL IBELJIĆ (SDP)

Vezano za Nacrt Budžeta za 2021.godinu konstatuje i ulaže sljedeće primjedbe i prijedloge:

- uzimajući u obzir činjenicu da u 2021.godini raspolažemo sa 6,5 mliona manje sredstava nego u prethodnoj godini, proizilazi da je neophodno napraviti značajnije rezerve i uštede. Iako su sredstva manja nacrtom je izdvojeno više sredstava za Udruženje za razvoj NERDA, grantovi za podršku privatnim i javnim preduzećima i poduzetnicima su veći za 80.000,00 KM u odnosu na prošlogodišnji budžet, zatim predviđen je novi grant za zaštitu kulturno-historijskog naslijeđa u iznosu od 18.000,00 KM;
- ističe da kao mlada osoba prepoznaje podršku mladima i pohvaljuje izrađivače nacrta jer su i pored smanjenog budžeta odvojeni iznosi na prošlogodišnjem nivou za nagrade studentima, učenicima i sportistima kao i Grant za projekte mladih;
- podržava kapitalna ulaganja u Dom penzionera.

NIKICA VIDOVIĆ (HDZ)

Vezano za Nacrt Budžeta za 2021.godinu konstatuje i ulaže sljedeće prijedloge:

- da se ni slučajno ne smanjuje iznos za zimsko održavanje obzirom na potrebe održavanja prohodnosti puteva posebno Breške, Obodnica i Dokanj gdje bi trebalo napraviti punkt da se redovno održava ta dionica. Da se ne smije štediti na zimskom održavanju jer kada su putevi neprohodni ni hitna pomoć ne može doći jer dobar dio grada bude blokiran;
- što se tiče komunalne infrastrukture potrebno je podržati još više obzirom na probleme koje treba riješavati;
- što se tiče sporta ističe da je važno da se podrži FC Salines koji je prvak BIH, obzirom da je to klub koji prezentira Tuzlu u Evropi, smatra da mora biti finansiran jer je prvak države u narednom periodu;
- da se 300.000,00 KM koje su planirane za nabavku prostora uloži u nabavku vatrogasnog vozila.

ALEKSANDAR VUJADINOVIĆ (SD BIH)

- Vezano za aerozagađenje potrebno je izdvojiti sredstva za nabavku mobilnih stanica, obzirom da nemamo mjerne podatke koliko je zaista smanjena zagađenost zraka. Mjerne stanice na autobusima bi mogle pokazati koji su to dijelovi grada koji su najviše zagađeni.

- Obzirom da se ulaže u toplifikaciju kako bi se smanjila zagađenost zraka potrebno je da imamo mjerne podatke koliko se smanjilo i ako nije da vidimo koji je razlog. Da se formira ekspertna grupa koja se time bavi, kako dugoročno riješiti problem aerozagađenja. Koliko bi koštalo da se riješe najugroženije mjesne zajednice koje praktično cijeli grad zagađuju, i ako treba riješiti dugoročim kreditom, a da se sredstvima termoelektrane odmah otplaćuje taj kredit.

1.2. PRIMJEDBE, PRIJEDLOZI I SUGESTIJE VIJEĆNIKA GVT PRISTIGLI PUTEV MAIL-a ILI U PISANOJ FORMI U TOKU TRAJANJA JAVNE RASPRAVE

- HDZ BIH, GRADSKI ODBOR HDZ BIH TUZLA, VIJEĆNIK NIKICA VIDOVIĆ

Dana 12.02.2021.godine, putem pisarnice smo zaprimili Predmet „Dostava amandmana na prijedlog proračuna Grada Tuzla za 2021.godinu“, koji je isred Gradskog odbora HDZ BIH Tuzla, uputio vijećnik GVT Nikica Vidović.

Dostavljena su četiri amandmana, kako slijedi:

Amandman I – Dodati u budžet stavku „Grant neprofitnoj organizaciji Futsal club Salines Tuzla City“ u iznosu od 50.000,00 KM.

Obrazloženje: Futsal club Salines Tuzla City postao je prvak BIH u sezoni 2019/2020, tako je Tuzla nakon 16 godina dobila prvaka u ekipnom sportu. Klub je počeo pripreme za narednu sezonu i takmičenja pod okriljem UEF-e, sa jasnim ciljevima. Predlaže se da nadležna stručna služba navedena sredstva osigura sa drugog ekonomskog koda koji ocjeni prihvatljivim.

Amandman II – Obezbjediti povećanje u iznosu od 50.000,00 KM na ekonomskom kodu „Izdaci za rad zimske službe“ u koloni 10, na način da se iznos od 420.000,00 KM zamjeni iznosom 470.000,00 KM.

Obrazloženje: Obezbjeđenjem dodatnih 50.000,00 KM osigurala bi se prohodnost puteva u zimskom razdoblju u djelovima mjesnih zajednica: Gornja Obodnica (Marinkovići, Cerik i Lameše), Breške (Balakuše i Nikolići), Dokanj (Jarići, Brkani i Drenovnik), Gornja Tuzla (Tetima-Stupe), Dragunja (Gornja Dragunja), Solina (Svojtina) i Grabovica (Gornja i Srednja Grabovica), ali i Par Selo, Kiseljak, Lipnica, Ljubače, Husino i druge rubne mjesne zajednice, kao i prohodnost puteva u samom gradu.

Amandman III - Obezbjediti povećanje u iznosu od 260.000,00 KM na ekonomskom kodu „Izdaci za tekuće održavanje puteva“ u koloni 10, na način da se iznos od 2.000.000,00 KM zamjeni iznosom 2.260.000,00 KM.

Sredstva za ovu namjenu osigurati na način da se predloženi iznos poveća u ukupnom iznosu planiranog Budžeta za 2021.godinu.

Obrazloženje: Na navedenoj poziciji iznos je umanjen za cca.270.000,00 KM u odnosu na prethodnu godinu. Za realizaciju aktivnosti na rekonstrukciji oštećenih puteva i saniranju udarnih rupa neophodno je obezbjediti sredstva minimalno na nivou prošlogodišnjih.

Amandman IV - Obezbjediti povećanje u iznosu od 140.000,00 KM na ekonomskom kodu „Izgradnja javne rasvjete“ u koloni 13, na način da se iznos od 200.000,00 KM zamjeni iznosom 340.000,00 KM.

Sredstva za ovu namjenu osigurati na način da se predloženi iznos poveća u ukupnom iznosu planiranog Budžeta za 2021.godinu.

Obrazloženje: Nacrtom Budžeta za 2021.godinu na navedenoj poziciji iznos je umanjen za cca.40% u odnosu na prethodnu godinu. Obzirom da niz mjesnih zajednica nije pokriven javnom rasvjetom cca čak 90%, te da je neophodno obezbjediti veći iznos sredstava za ovu namjenu, kako bi se stvorili minimalni životni uvjeti za koje je preduvjet stvaranje sigurnosti građana uvođenjem javne rasvjete na području rubnih mjesnih zajednica.

Sredstva za ovu namjenu mogu se namiriti dijelom sa pozicije nabavke zemljišta u iznosu od 300.000,00 KM ili kupovine prostora u iznosu od 300.000,00 KM.

- PLATFORMA ZA PROGRES BIH, GRADSKI ODBOR TUZLA, VIJEĆNICA SELMA ČATIBUŠIĆ

Dana 12.02.2021.godine, putem pisarnice smo zaprimili Predmet „Prijedlozi u okviru javne rasprave na Nacrt Budžeta grada Tuzla za 2021.godinu“ koji je isred Gradskog odbora Platforme za progres Tuzla, uputila vijećnica GVT Selma Čatibušić.

Dostavljeno je deset prijedloga, kako slijedi:

PRIJEDLOG BR.1 – Da se ekonomski kod „614311-20 Grant za pomoć Fondaciji Istina, pravda, pomirenje“ umanji za 20%, odnosno za 10.000,00 KM u odnosu na Nacrt, a da se navedena sredstva preusmjere za rad Udruženja 25.Maj.

PRIJEDLOG BR.2 – Da se ekonomski kod „613975-2 Naknade članovima gradskog vijeća“ umanji u iznosu od 100.000,00 KM, koliko je Nacrtom planirano povećanje u 2021.godini, a da se navedena sredstva preusmjere za zaposlenje mladih na ekonomskom kodu 614530.

PRIJEDLOG BR.3 – Da se planirana raspoloživa sredstva u Fondu sredstava od naknade ostvarene radom termoelektrana u iznosu 5.555.384,46 KM, preusmjere isključivo u projekte toplifikacije i druge ekološke projekte, i da se troše namjenski u skladu sa planom.

PRIJEDLOG BR.4 – Da se ekonomski kod „614329-10 Transfer za rad JP RTV 7 Tuzla“ umanji za 200.000,00 KM, a da se navedena sredstva preusmjere na ekonomski kod 614519-3 Grant samostalnim poduzetnicima i obrtnicima za ublažavanje socio-ekonomskih posljedica izazvanih COVID-om 19.

- Da se ekonomski kod „613975-1 – Naknada za rad vijećnicima u GVT“ umanji za iznos od 100.000,00 KM, a da se navedena sredstva preusmjere na ekonomski kod 614519-3 Grant samostalnim poduzetnicima i obrtnicima za ublažavanje socio-ekonomskih posljedica izazvanih COVID-om 19.

- Da se ekonomski kod „614323 – Transfer za rad parlamentarnih grupa – klubova vijećnika u GV Tuzla“ umanji za iznos od 300.000,00 KM, a da se navedena sredstva preusmjere na ekonomski kod 614519-3 Grant samostalnim poduzetnicima i obrtnicima za ublažavanje socio-ekonomskih posljedica izazvanih COVID-om 19.

Na ovaj način obezbjedila bi se sredstva u iznosu od 600.000,00 KM za pomoć poduzetnicima i obrtnicima za ublažavanje socio-ekonomskih posljedica izazvanih COVID-om 19, obzirom da je obim poslovanja i promet privrednika na području grada umanjen do nivoa da većina radi na

rubu opstanka. Opstanak privrednika je osnova za zapošljavanje građana, ali i za priliv sredstava u budžet.

PRIJEDLOG BR.5 – Da se u Budžet uvrsti nova stavka u iznosu od 10.000,00 KM u namjenu izrade projektne dokumentacije za izgradnju objekta savremene univerzitetske biblioteke, sa čitaonicom za učenike i studente, u kojoj bi bili obezbjeđeni adekvatni uslovi za učenje 24h. Objekat bi bio izgrađen najvećim dijelom iz sredstava EU fondova, u kojima bi Grad učestvovao u minimalno potrebnom iznosu. Da Grad obezbjedi zemljište za izgradnju objekta, uz prijedlog da taj prostor bude na lokaciji Tehnološkog fakulteta Univerziteta u Tuzli.

PRIJEDLOG BR.6 – Da se povećaju sredstva na poziciji „Subvencioniranje kamata za stambeno zbrinjavanje mladih“ za 50.000,00 KM, odnosno da budu planirana na nivou prošle godine u ukupnom iznosu od 150.000,00 KM. Iznos od 50.000,00 KM može biti preusmjeren sa ekonomskog koda Zaštita od prirodne nepogode, za koju je planiran ukupan iznos od 2.715.000,00 KM iz budžeta.

PRIJEDLOG BR.7 – Da se povećaju sredstva na poziciji 613727-10 „Sanacija klizišta“ za 100.000,00 KM, obzirom da smo svjedoci problema izazvanih pojavom klizišta usljed padavina svake godine, za koje su neophodne kvalitetnije sanacije.

PRIJEDLOG BR.8– Da se u Budžet uvrste dostatna sredstva za sprovođenje sveobuhvatnog istraživanja trenutnog stanja ravnopravnosti prema spolnoj pripadnosti (socijalni status, zdravlje, obrazovanje, nasilje u porodici, zapošljavanje, itd), koje će dati podatke od esencijalnog značaja za izradu Gender akcionog plana, koji godinama ne postoji u gradu Tuzli.

PRIJEDLOG BR.9– Da se u Budžet uvrsti iznos od 4.000,00 KM za postavljanje rampe i nadzornih kamera na putu MZ Kiseljak, te za troškove električne energije za njihov rad. Ovaj prijedlog važan je jer bi se na taj način spriječila nelegalna sječa državne šume na navedenom području. Sredstva bi se mogla obezbjediti iz iznosa planiranog za zaštitu životne okoline.

PRIJEDLOG BR.10 – Da se ekonomski kod „614311-28 - Grant neprofitnoj organizaciji „Sportski savez grada Tuzla“ planirana sredstva umanje za 10.000,00 KM, i rasporede na sljedeći način:

- iznos od 5.000,00 KM usmjeriti na ekonomski kod 614311-63 UG „NIRINA“ Tuzla, koje je pretrpjelo štete od požara u okruženju koje nisu još do kraja sanirane.
- iznos od 5.000,00 KM usmjeriti na ekonomski kod 614311-56 Grant za projekte za mlade, za dodatne projekte organizacija mladih sa područja grada Tuzla.

- ADMIR ČAVALIĆ (Stranka za Bosnu i Hercegovinu)

Dana 12.02.2021.godine, putem pisarnice smo zaprimili prijedloge, primjedbe i mišljenja u vezi Nacrta Budžeta Grada Tuzla za 2021.godinu, koje je uputio vijećnik GVT Admir Čavalić. Vijećnik pohvaljuje izradu Nacrta za 2021.godinu koji je balansiran i računovodstveno tačan. Iznosi mišljenje na osnovne karakteristike budžeta gdje se značajan dio sredstava odnosi na naknade zaposlenima i podršku stalnim budžetskim korisnicima. Konstatuje da se u budžetu zanemaruje značajan broj mjesnih zajednica.

- Vezano za prihodovnu stranu Budžeta, vijećnik navodi da nema posebnih komentara, izuzev primjedbe u vezi povećanja prihoda od iznajmljivanje ostale materijalne imovine u slučaju JU Gradski stadion Tušanj Tuzla, gdje je planiran iznos od 271.000,00 KM u 2021.godini, za razliku od plana 2020.godine koji je iznosio 242.000,00 KM.

- **Vijećnik postavlja pitanje po kojem osnovu je planirano povećanje ove vrste prihoda u 2021.godini u donosu na 2020.godinu.**
- **Vijećnik postavlja pitanje da li će se sredstva koja su uplaćena po osnovu „Općinske komunalne naknade u skladu sa kantonalnim propisima za posebne namjene“ vratiti građanima/privrednicima koji su ih uplatili ili ne.**

Vijećnik iznosi prijedloge, primjedbe i mišljenja po pitanju rashodovne strane budžeta, kako slijedi:

- mišljenja je da je budžet previše opterećen plaćama zaposlenih Grada Tuzla i Javnih ustanova, kao i izdacima za rad Gradskog vijeća. Shodno navedenom predlaže da se vijećnicima, članovima radnih tijela GV, kao i finansiranje političkih subjekata prisutnih u GVT smanji za 10% u skladu sa aktuelnim recesijskim dešavanjima, te da se sprovede politika štednje u Gradskoj upravi u ovom periodu;
- da se umanje sredstva na stavci za subvencioniranje kamata za stambeno zbrinjavanje mladih osoba na 100.000,00 ili je eventualno na 75.000,00 KM, a da se sredstva preusmjere za aktivno zapošljavanje mladih;
- umanjiti neke stalne budžetske stavke koje se odnose na budžetske korisnike, poput nevladinih organizacija, te je potrebno ta sredstva distribuirati ka više različitih eksternih budžetskih korisnika. Ovaj princip primjeniti i na oblast sporta;
- predlaže da se 75% sredstava iz Fonda od sredstava naknade od termoelektrana usmjeri za problem rješavanje aerozagađenja, odnosno na izgradnju vrelovodne mreže;
- mišljenja je da je potrebno izbrisati budžetsku stavku koja se odnosi na kapitalni projekat Doma penzionera Tuzla, koji svakako posluje na tržištu, te da ta sredstva treba usmjeriti u izgradnju i širenje sistema daljinskog grijanja;
- predlaže da se stalnim budžetskim korisnicima koji dobivaju preko 50.000,00 KM, osim onih koji se bave humanitarnim i socijalnim radom, umanje iznosi iz budžeta za 10%;
- predlaže da se povećaju stavke projektne aktivnosti mjesnih zajednica, po 10.000,00 KM za svaku mjesnu zajednicu odnosno za sve mjesne zajednice 400.000,00 KM na godišnjem nivou.

- VIJEĆNICA ESANA KAVAZBAŠIĆ- HUSKANOVIĆ

Dana 15.02.2021.godine, dakle po isteku perioda javne rasprave, putem maila smo zaprimili prijedloge na Nacrt Budžeta za 2021.godinu, koje je uputila vijećnica Esana Kavazbašić - Huskanović.

Dostavljena su tri prijedloga, kako slijedi:

Prijedlog izmjene br.2 – Vijećnički amandman

- Da se osiguraju sredstva za nabavku prijeko potrebnog mamograma Domu zdravlja „Mustafa Šehović“ u Tuzli u minimalnom iznosu od 200.000,00 KM iz budžetske stavke 614311-18 u iznosu od 100.000,00 KM, iz budžetske stavke 614311-12 u iznosu 35.000,00 KM i budžetske stavke 722700 u iznosu od 65.000,00 KM.

Obrazloženje:

S obzirom na povećanje broja oboljelih od karcinoma dojke od izuzetne važnosti je nabavka novog mamograma kao dijagnostičkog sredstva u otkrivanju bolesti dojke, obzirom da mamogram mjesecima ne radi zbog kvarova.

Prijedlog izmjene br.5 – Vijećnički amandman

- Da se osiguraju sredstva za nabavku opreme i potrebnog vozila vatrogascima u iznosu od 150.000,00 KM umanjeanjem sredstava na ekonomskom kodu 821600.

Obrazloženje:

Vatrogasci su svojim radom i hrabrošću zaslužili da im se obezbijedi bolja oprema i vozilo za gašenje požara te je izuzetno važno da im se svake godine povećaju sredstva za rad, obzirom da je njihova oprema zastarjela i ne štiti dovoljno.

Prijedlog izmjene br.7 – Vijećnički amandman

- Da se osiguraju sredstva za sanaciju dječijih igrališta i postavljanje novih u dijelovima grada u kojima ih nema u iznosu od 60.000,00 KM, na način da se sredstva obezbijede sa ekonomskog koda 613976 (Gradska izborna komisija)

Obrazloženje:

S obzirom na stanje gradskih dječijih igrališta izuzetno je važno da ista budu obnovljena ali i da budu izgrađena nova. Djeca zaista nemaju gdje da se igraju, a postojeća igrališta su oštećena.

2. PRIMJEDBE, PRIJEDLOZI I SUGESTIJE GRADSKIH SLUŽBI

2.1. SLUŽBA ZA INSPEKCIJSKE POSLOVE

Služba se obratila zahtjevom za obezbjeđivanje dodatnih sredstava u Budžetu za 2021.godinu koje je dostavila u pisanoj formi dana 08.02.2021.godine, na javnu raspravu, kako slijedi:

- Uvrstiti novi ekonomski kod „613976 - Ostale ugovorene usluge“ u iznosu od 2.000,00 KM.

Obrazloženje: Sredstva su potrebna zbog povećanog obima poslova na izdavanju rješenja o izolaciji i zdravstvenom nadzoru osoba. Radi navedenih aktivnosti koje spadaju u vanredne, sredstva su potrebna kako bi se blagovremeno obavili poslovi u vezi ovih postupaka.

- Na ekonomskom kodu 613727/22 „Rušenje i uklanjanje objekata po inspekcijskim rješenjima“ planirati minimalno 30.000,00 KM.

Obrazloženje: Dodatnih 10.000,00 KM na pomenutom ek. kodu potrebni su iz razloga jer je prema Okvirnom sporazumu koji je sklopljen između Grada Tuzla i izvođača radova, potpisanog 26.11.2020.godine planirano obezbjediti 29.191,50 KM za nabavku radova na rušenju i uklanjanju objekata u trajanju od jedne godine.

2.2. SLUŽBA CIVILNE ZAŠTITE

Služba se obratila zahtjevom da se u Budžetu Grada za 2021.godinu planira nova ekonomska pozicija „Grant za sufinansiranje rada Gorske službe spašavanja – stanica Tuzla“ u iznosu od 10.000,00 KM. Obrazloženje: Djelatnost ovog udruženja je od značaja za zaštitu i spašavanje. Nakon održanog sastanka u prostorijama Službe civilne zaštite, a u vezi sa obavljenim razgovorom Gorska služba spašavanja je dana 22.01.2021.godine. dostavila Pismo namjere.

2.3. SLUŽBA ZA GEODETSKE I IMOVINSKO - PRAVNE POSLOVE

Služba se obratila zahtjevom za obezbjeđivanje dodatnih sredstava u Budžetu za 2021.godinu koje je dostavila u pisanoj formi dana 08.02.2021.godine, na javnu raspravu, kako slijedi:

- na ekonomskom kodu 613976-4 „Ostale ugovorene usluge“ planirati minimalno 15.000,00 KM. Obrazloženje: Radi implementacije Projekta „Adresni registar i registar prostornih jedinica za područje grada Tuzle“ potrebno je pored kapaciteta i dodatno angažovanje lica po osnovu ugovora o djelu obzirom da u gradskoj upravi ne postoje sistematizovana radna mjesta koja pokrivaju područje Adresnog registra. Također potrebna su sredstva na ovom ekonomskom kodu za plaćanje angažovanih vještaka u toku 2020-te godine za razne postupke, a koji će prispjeti na plaćanje iz sredstava budžeta 2021.godine;

- na ekonomskom kodu 613910 „Ugovorene usluge“ planirati minimalno 15.000,00 KM.

Obrazloženje: Dodatna sredstva su potrebna prvenstveno za plaćanje elaborata po rješenjima Ministarstva poljoprivrede, vodoprivrede i šumarstva TK, pred kojim je pokrenuto nekoliko inicijativa za promjenu statusa javnog vodnog dobra u korist Grada Tuzle (Termoelektrana BLOK 7, poslovna zona „Kreka Sjever“ i Poslovna zona „Bosanska poljana“), a za koja postupke služba mora obezbjediti finasijska sredstva. Važno je napomenuti da će nekretnine u konačnici biti upisane kao posjed i vlasništvo Grada Tuzle, te će omogućiti da se uložena sredstva višestruko vrate.

- na poziciji Nabavka stalnih sredstava obezbjediti minimalno 20.000,00 KM za potrebe Digitalizacije katastra komunalnih uređaja. Obrazloženje: Grad Tuzla će biti jedan od gradova u pilot projektu testiranja i implementacije novog pravilnika koji predviđa izradu softvera za katastar komunalnih uređaja i softverskog rješenja Katastar.ba., tako da je JLS dužna obezbjediti dio novčanih sredstava i izraziti spremnost, a ostatak će obezbjediti Federalna geodetska uprava. Ističe se da je udruživanje sredstava planirano samo za 2021. godinu.

2.4. STRUČNA SLUŽBA GRADSKOG VIJEĆA

Služba se obratila zahtjevom za obezbjeđivanje dodatnih sredstava u Budžetu za 2021. godinu koji smo zaprimili u pisanoj formi dana 08.02.2021. godine, na javnu raspravu, kako slijedi:

- da se ekonomski kod 613720 „Izdaci za tekuće održavanje uveća za 3.000,00 KM (umjesto trenutnih 4.000,00 KM da iznosi 7.000,00 KM). Obrazloženje: sredstva su potrebna kako bi se raspisao konkurentski zahtjev u skladu sa Zakonom o JN za sklapanje okvirnog sporazuma za održavanje video i audio opreme, sistema za elektronsko glasanje u sali Gradskog vijeća Tuzla.

- da se ekonomski kod 821300 Nabavka opreme uveća za 15.000,00 KM (umjesto trenutnih 3.000,00 KM da iznosi 18.000,00 KM).

Obrazloženje: Na sjednici Kolegija Gradskog vijeća Tuzla, održanom neposredno pred početak II redovne sjednice dana 29.1.2021. godine, pojedini vijećnici ukazali su na neravnopravnost izabranih dužnosnika, jer pojedini vijećnici koji sjede u dijelu za goste nemaju uvjete, kao oni koji sjede u Sali u dijelu za vijećnike. Služba ovakav prigovor vijećnika smatra opravdanim. Obzirom da su mikrofoni i stolovi fiksirani, a sistem za ozvučenje skupa sa drugim instalacijama proveden ispod zidova i parketa, nemoguće je napraviti novi razmještaj bez određenih zahvata u Sali i rušenja zidova i parketa. Po preporuci lica tehničke struke, rješenje navedenog pitanja bilo bi moguće nabavkom dodatnih stolova i mikrofona i drugih konferencijskih uređaja, koji bi bili komplementarni sa postojećom centralnom jedinicom za snimanje zvuka, i to 13 stolova, 13 delegatskih mikrofona sa adekvatnim postoljima, drugu neophodnu opremu i instalacije za uklapanje u postojeću konferencijsku jedinicu i izvršiti ugradnju opreme.

Analizom troškova iz 2017. godine i analizom trenutnog stanja na tržištu, kada su u pitanju konferencijski uređaji, procjena je da će za realizaciju navedenih aktivnosti biti potrebno do 15.000 KM.

2.5. SLUŽBA ZA BORAČKO – INVALIDSKU ZAŠTITU, STAMBENE POSLOVE I INTEGRACIJU RASELJENIH LICA

Služba se obratila zahtjevom da se u Budžetu Grada za 2021. godinu otvore dvije nove ekonomske pozicije, kako slijedi:

- Pozicija troškova rušenja dijela kolektivnog centra naselje Mihatovići u iznosu 20.000,00 KM,
- Pozicija sanacija i održavanje stambenih jedinica za prenamjenu naselja Mihatovići u KHV-a u iznosu 20.000,00 KM.

Obrazloženje: U okviru realizacije Projekta CEB II – Zatvaranje kolektivnih centara, Grad Tuzla treba obezbjediti sredstva u ukupnom iznosu od 40.000,00 KM za eventualno rušenje kolektivnog centra Mihatovići, te za finansiranje sanacije dijela naselja za potrebe socijalno ugroženih kategorija.

2.6. SLUŽBA ZA EKONOMSKI RAZVOJ, PODUZETNIŠTVO I POLJOPRIVREDU

Služba je uputila svoje prijedloge za izmjene i dopune u odnosu na Nacrt Budžeta Grada Tuzla za 2021. godinu sagledavajući prijedloge korisnika budžetskih sredstava u okviru svoje nadležnosti, iznesene u toku javne rasprave o Nacrtu Budžeta za 2021. godinu, te također, sagledavajući prijedloge vijećnika iznesene u toku rasprave o Nacrtu Budžeta Grada Tuzle za 2021. godinu, pri tome, cijeneći ograničene mogućnosti za značajnije izmjene pozicija rashoda u okviru ove Službe, iako su prema potrebama i zahtjevima korisnika objektivno potrebna veća sredstva, nakon prethodnih usmenih konsultacija i saznanja o realno raspoloživom iznosu od 100.000,00 KM u okviru kojeg se mogu predložiti izmjene odnosno povećanje pozicija rashoda u odnosu na Nacrt Budžeta.

Stoga je Služba utvrdila prioritete prema kojim je sačinjen prijedlog izmjena i dopuna Nacrta Budžeta Grada Tuzle za 2021. godinu, u okviru navedenog iznosa od 100.000,00 KM raspoloživog za raspored, kao i neophodne unutrašnje korekcije između određenih pozicija rashoda.

Služba predlaže sljedeće izmjene na pozicijama rashoda :

- **da se na poziciji 614329-26- Grant za tekuće poslovanje doo Tržnice pijace Tuzla**, u odnosu na Nacrtom Budžeta za 2021. godinu planiranog iznosa od 40.000,00 KM, povećaju sredstava za 60.000,00 KM, tako da u prijedlogu Budžeta za 2021. godinu iznose 100.000,00 KM. Služba cijeni da je opravdano predloženo povećanje sredstava kako bi se ublažile poteškoće u poslovanju prouzrokovane pandemijom korona virusa u 2020. godini sa tendencijom nastavka i u 2021. godni, usljed koje je znatno smanjen broj korisnika pijačnih prostora, kao i naplata potraživanja od zakupaca koji su održali svoje poslovanje, usljed čega su značajno smanjeni poslovni prihodi ovog subjekta. Također, poslovanje ovog subjekta i dalje opterećuju nagomilani problemi koje je prouzrokovao požar na Centralnoj gradskoj pijaci u februaru 2019. godine, zbog čega je neophodna predložena podrška u cilju finansijske konsolidacije i stabilizacije poslovanja.

- **da se na poziciji 614329-23-Tekući grant-JZU Gradske apoteke Tuzla**, da se u prijedlogu Budžeta za 2021. godinu, na ovoj poziciji planira iznos od 30.000,00 KM, obzirom da u Nacrtu Budžeta za 2021. godinu nisu planirana sredstva na ovoj poziciji.

Služba cijeni da je opravdana potreba obezbjeđenja sredstava na ime podrške za podmirenje izdataka tekućeg poslovanja ovog subjekta, iz razloga što je već duži vremenski period poslovanje ovog subjekta opterećeno troškovima po osnovu tužbi radnika za neisplaćene naknade i plaće prema granskim kolektivnim ugovorima iz ranijeg perioda, kao i troškovima funkcionisanja nerentabilnih apotekarskih depoa, što su i glavni razlozi koji ugrožavaju pozitivno poslovanje ovog subjekta. S obzirom da su realno potrebna i veća sredstva na ime podrške za njihovo poslovanje predložen je iznos prema sadašnjim mogućnostima.

- **da se na poziciji 614329-18 -Transfer za rad JP „BIT Centar“ Tuzla**, u odnosu na Nacrtom Budžeta za 2021. godinu planirani iznos od 20.000,00 KM, poveća za 10.000,00 KM, tako da u prijedlogu Budžeta za 2021. godinu sredstva iznose 30.000,00KM. Za normalno funkcionisanje ovog subjekta u ostvarivanju njegove osnovne funkcije i svrhe, a to je stvaranje povoljnog ambijenta za razvoj kompanija u oblasti informaciono komunikacionih tehnologija, neophodna je veća budžetska podrška osnivača, koja je u 2020. godini iznosila 65.000,00 KM, ali je obzirom na ograničene mogućnosti predloženo da se prvobitno planirani iznos koriguje i poveća za 10.000,00 KM, te na taj način dodatno djeluje na očuvanje stabilnosti i likvidnosti ovog subjekta u 2021. godini.

***)** U toku rasprave vijećnika o Nacrtu Budžeta Grada Tuzle za 2021. godinu, na sjednici održanoj 29.01.2021. godine, vijećnik Mensur Alić je predložio i adekvatno obrazložio **potrebu**

planiranja sredstava za JZNU Dom zdravlja Tuzla, koja će imati karakter kapitalnog izdatka na ime nabavke opreme i rekonstruktivnih radova na objektu Doma zdravlja u Tuzli. Tom prilikom, ovaj prijedlog je podržan od više vijećnika. Analizirajući predmetni prijedlog, s obzirom na ograničene mogućnosti za izmjene i dopune plana rashoda prema Nacrtu Budžeta za 2021. godinu, opravdano je prihvatanje ovog prijedloga, koji iznosi 200.000,00 KM, ali na način da se dio sredstava u iznosu od 100.000,00 KM planira u okviru ove Službe, shodno nadležnostima za praćenje rada i poslovanja javnih preduzeća i javnih ustanova čiji je osnivač Grad Tuzla, dok će se preostali iznos potrebnih sredstava obezbjediti u okviru namjenskih sredstava za zaštitu i spašavanje za nabavku potrebne opreme. Shodno tome, **navedena sredstva u okviru ove Službe planirana su na poziciji 615411/9, u okviru sredstava Fonda od naknada ostvarenih radom termoelektrana (0406) i imat će naziv: Kapitalni grant za JZNU Dom zdravlja Tuzla.**

Napomena: Za ovu poziciju, koja je nova u odnosu na Nacrt Budžeta za 2021. godinu, neophodno je adekvatno izmijeniti i dopuniti Odluku o izvršavanju Budžeta Grada Tuzle za 2021.godinu.

*) Pored gore predloženih izmjena odnosno povećanja, te planiranja nove pozicije rashoda u okviru Službe za ekonomski razvoj, poduzetništvo i poljoprivredu, u toku Javne rasprave, analizirajući okolnosti i aktuelne prilike u oblasti poljoprivredne proizvodnje koje su značajno determinisane tendencijom nastavka pandemije korona virusom, Služba je ocijenila realnom potrebu da i u narednom periodu osigura funkcionisanje pozicija za isplatu novčane podrške pojedincima te privatnim poduzetnicima i obrtima u oblasti poljoprivrede, u slučaju realizacije ili samostalno ili u partnerstvu sa višim nivoima vlasti, programa i projekata na poticanju poljoprivredne proizvodnje na području grada Tuzle.

U tom kontekstu izvršena je **izmjena planiranih sredstava unutar postojećih pozicija rashoda, u dijelu sredstava fonda od naknada za prihode ostvarene radom termoelektrana, i to smanjenjem** Nacrtom planiranih sredstava pozicijama kako slijedi:

„**614311-50 – Tekući grant za razvoj primarne poljoprivredne proizvodnje**“ umanjeње za 10.000,00 KM, i

„**615311-1 – Kapitalni grant za razvoj primarne poljoprivredne proizvodnje**“, umanjeње za 10.000,00 KM, a na osnovu čega se predlaže da se planiraju sredstva na sljedećim pozicijama:

„**614239-17-Grant pojedincima za poticaj poljoprivredne proizvodnje**“ u iznosu od 10.000,00 KM, i

„**614515-Grant privatnim preduzećima i poduzetnicima za poticaj poljoprivredne proizvodnje**“ u iznosu od 10.000,00 KM, a na kojim u Nacrtu Budžeta za 2021.godinu nisu bila planirana sredstva.

Služba cijeni da su prijedlozi prijedlozi budžetskih korisnika i drugih korisnika budžetskih sredstava, dostavljeni u okviru Javne rasprave o Nacrtu Budžeta Grada Tuzle za 2021. godinu, ocijenjeni realnim i opravdanim, te predlaže da iste prijedloge svakako treba pozitivno razmotriti ukoliko bi bile izgledne prilike za dodatnim korekcijama, odnosno za povećanje planiranih rashoda.

Služba je predložila određene tehničke korekcije u Budžetu Grada Tuzle za 2021. godinu, a odnose se na naziv pozicija, na način da umjesto dosadašnjeg naziva pozicije bude provedena izmjena kako slijedi:

- „Transfer za rad - JP Veterinarska stanica Tuzla“, da pozicija glasi „Transfer za rad – JP Gradska veterinarska stanica Tuzla“, što je u skladu sa registracijskim aktima ovog subjekta,

- „Transfer za rad - Gradsko udruženje samostalnih privrednika“, da pozicija glasi: „Transfer za rad - Udruženje obrtnika grada Tuzla“, što je u skladu sa aktom o registraciji ovog subjekta, i

- „Usluge izdavanja saglasnosti za projekte komunalne infrastrukture“ (u dijelu 0401-poslovni prostori), da pozicija glasi: „Usluge izdavanja saglasnosti za komunalne priključke u poslovnim prostorima“.

3. PRIMJEDBE, PRIJEDLOZI I SUGESTIJE JAVNIH USTANOVA KOJE SU U SISTEMU TREZORA

3.1. JU CENTAR ZA KULTURU TUZLA

JU Centar za kulturu Tuzla se obratila zahtjevom za obezbjeđivanje dodatnih sredstava u Budžetu za 2021.godinu koji smo zaprimili u pisanoj formi dana 08.02.2021.godine, na javnu raspravu, kako slijedi:

- odobriti otvaranje nove pozicije „613600 – Unajmljivanje prostora i opreme“ i planirati iznos iz budžetskih sredstava od 5.000,00 KM, dok bi iz vlastitih sredstava ustanove bilo planirano 8.200,00 KM.

Obrazloženje: Ustanova je sredinom 2020.godine neposrednom pogodbom dobila u zakup prostor za potrebe Memorijalnog centra 25.Maj, te je u obavezi plaćati zakup iz vlastitih sredstava, a za šta nisu bila planirana sredstva.

- potrebno je obezbjediti dodatna sredstva za bruto plaće na godišnjem nivou u iznosu od 32.000,00 KM, za doprinose poslodavca 3.000,00 KM i za naknade troškova zaposlenih za 5.000,00 KM. Obrazloženje: Imenovanjem direktora Ustanove u septembru 2020.godine i prijemom radnika u radni odnos u julu 2020.godine, sredstva na poziciji bruto plaće nisu bila dovoljna za isplatu plaća.

- na poziciji 613932 Pravne usluge, potrebno je otvoriti novu poziciju 613937 – Troškovi sudskih sporova u iznosu od 2.000,00 KM, zbog najavljenih sporova.

- Ustanova upravlja sa osam objekata čija je starost preko 50 godina, obzirom da su objekti u lošem stanju a glavna zgrada predstavlja i prijetnju prolaznicima zbog prednjeg ruševnog dijela, neophodno je obezbjediti sredstva iz budžeta za ove namjene, obzirom da sredstva za tekuće održavanje služe samo za najnužnije popravke i sitne intrevencije.

- Ustanova nema planirana sredstva iz budžeta za manifestacije. Vlastita sredstva su predviđena planom samo ukoliko se obezbjede sredstva od viših nivoa vlasti.

3.2. JU CENTAR ZA SOCIJALNI RAD TUZLA

Od JU Centar za socijalni rad Tuzla primili smo u pisanoj formi prijedloge za javnu raspravu na Nacrt budžeta za 2021.godinu, u smislu obezbjeđenja dodatnih sredstava, kako slijedi:

- povećati za 21.400,00 KM sredstva na poziciji“Naknade troškova zaposlenih“, umjesto trenutno planiranih 128.000,00 KM planirati 149.400,00 KM.

- obezbjediti dodatna sredstva na pozicijama Bruto plaće, Doprinosi poslodavca i Naknade troškova zaposlenih za prijem dva stručna saradnika.

Obrazloženje: Zbog povećanja obima poslova i pogoršanja socijalne slike stanovništva uzrokovanih pandemijom pojavljuje se potreba za povećanim brojem stručnih saradnika, i u skladu sa stavovima koji su utvrđeni u stručnom nadzoru od strane Ministarstva za rad, socijalnu politiku i povratak TK gdje je utvrđeno da na 4000 stanovnika ide jedan socijalni radnik, a da na 20.000 stanovnika ide jedan pravnik.

- potrebno je planirati sredstva u iznosu od 5.000,00 KM na poziciji „Nabavka opreme“.

Obrazloženje: potrebna je nabavka kompijuterske opreme obzirom da je trenutna zastarjela i ne zadovoljava IT standarde koji su neophodni za rad u softverskim programima koje koriste uposlenici Centra.

3.3. JU ZA PREDŠKOLSKI ODGOJ I OBRAZOVANJE „NAŠE DIJETE“ TUZLA

JU za predškolski odgoj i obrazovanje „Naše dijete“ Tuzla dostavila je prijedloge za javnu raspravu na Nacrt budžeta za 2021.godinu, u smislu obezbjeđenja dodatnih sredstava, kako slijedi:

- na poziciji 611100 – Bruto plaće, povećati iznos za 38.000,00 KM, tj.da za 2021.godinu umjesto trenutno planiranih 1.670.000,00 KM treba planirati 1.708.000,00 KM.

Obrazloženje: Dodatna finansijska sredstva su neophodna za angažovanje novog kadra u novom vrtiću u Gornjoj Tuzli.

Ustanova će iz ostvarenih prihoda planirati finansiranje ostalih troškova: režijski troškovi, troškovi goriva, hrane i zakupa.

4. PRIMJEDBE, PREDLOZI I SUGESTIJE KOJE SU U TOKU TRAJANJA JAVNE RASPRAVE PRISTIGLE U SLUŽBU ZA BUDŽET I FINANSIJE PUTEM MAIL-a ILI U PISANOJ FORMI

"TRŽNICE - PIJACE" D.O.O. TUZLA

Zahtjev da se u Prijedlog Budžeta Grada Tuzla za 2021.godinu uvrsti iznos od 100.000,00 KM, ne osnovu prvobitnog zahtjeva za sredstvima, umjesto trenutno dodjeljenih 40.000,00 KM, a u svrhu da se Društvu olakša nesmetano funkcionisanje u narednom periodu.

AERO KLUB "TUZLA"

Zahtjev da se sredstva od 12.000,00 KM koja su planirana za grant Aero klubu Tuzla povećaju na 25.000,00 KM kao što je to bilo i u budžetu prošle godine. Obrazloženje zahtjeva za povećanjem: neophodna su dodatna sredstva obzirom da su finansijske potrebe za rad kluba visoke i odnose sa na: registraciju, održavanje i eksploataciju 3 letjelice i 6 jedrilica, registraciju i održavanje letjelišta, održavanje/ zamjena stare PP zaštite, održavanje i nabavka uređaja za vezu, održavanje/sanacija hangara i dr.objekta, registracija i održavanje padobrana, kombi vozila, nabavka ulja, maziva i goriva, plaćanje komunalija.

ZDENKA DŽINIĆ, LIPNICA

Zahtjev da se u Budžetu za 2021.godinu planiraju sredstva za sanaciju i asfaltiranje lokalnog puta početak ulice Peje Markovića u dužini nekih 700 m, koji je od velikog značaja za građane ove mjesne zajednice, te da je neophodno da se sanacija ove dionice puta uzme kao prioritet. Imenovana ističe da je firma DEPLAST kupila posjed na toj lokaciji i izgradit će proizvodni pogon, ali nema pristupni put do posjeda, te smatra da je sanacija puta značajna za sve mještane jer bi se u novootvorenom pogonu firme mogli zaposliti mještani ove mjesne zajednice.

GOSPA VLAČIĆ

Zahtjev da se u Budžetu Grada Tuzla za 2021.godinu obezbijede sredstava za rušenje bespravno dograđenog objekta na adresi Češka 23.

EMIR DELALIĆ

Prijedlog da se sredstva budžeta u najvećoj mogućoj mjeri usmjere u toplifikaciju ulica sa kućama koje lože. Imenovani ističe da je to najveći prioritet koji opravdava da se grad ukoliko je potrebno i dodatno zaduži, te konstatuje da se neće postići ništa značajnije ukoliko se ne krene sa toplifikacijom 4 - 5 ulica godišnje.

HASIĆ SEAD, DONJA OBODNICA, AVDIBAŠIĆI

Imenovani je naveo da na osnovu zahtjeva sa javne rasprave o Nacrtu Budžeta za 2021.godinu sa grupom građana MZ Donja Obodnica, ulaže primjedbu na smanjenje iznosa u Nacrtu za 2021.godinu na poziciji Izgradnja i rekonstrukciju puteva, te predlaže da se planirani iznos od 455.000,00 KM uveća za 155.000,00 KM, na ime rekonstrukcije puta od Kamenjaša (mezarje) do izlaza u Avdibašiće, cca 1300 m na dionici puta sjeverne zaobilaznice iz Tuzle prema Previlama. Obrazlaže da se preko 40 vlasnika zemljišta dobrovoljno odreklo dijela zemljišta potrebnog za proširenje trase puta kako bi se ostvarilo nešto čemu teže svi mještani nekoliko desetina godina. Naglašava da je projekat rekonstrukcije ovog dijela puta veoma značajan za Tuzlu i da to treba biti put od regionalnog značaja, obzirom da se vezuje za magistralni put Tuzla-Orašje i Tuzla - Šibošnica.

GRAĐANI UL.VRŠANI od br.140 do br.101, MZ ŠI SELO

Prijedlog da se iz budžeta za 2021.godinu izdvoje sredstva za instaliranje javne rasvjete u ulici Vršani od broja 140 do broja 101 i izgradnju puta. Građani su naglasili da nemaju uvjete za normalan život u svojoj ulici jer makadam u kišnom i zimskom periodu otežava svakodnevno kretanje, također školarci i mještani vraćaju se po mraku kući jer nema javne rasvjete, te uzimajući u obzir da se okolo nalazi šuma djecu je dodatno strah vraćati se uveče iz škole.

JZU "GRADSKE APOTEKE" TUZLA

Zahtjev da se u Budžetu za 2021.godinu planiraju sredstva za podršku poslovanja JZU "GRADSKE APOTEKE" TUZLA, navodeći da su okolnosti objektivne prirode značajno uticale na poslovanje u toku prethodne godine, gdje je promet smanjen za 100.000,00 KM, a troškovi koji se očekuju u 2021.godini iznose cca.210.000,00 KM.

Dalje se navodi da je zbog pojave pandemije od aprila 2020.godine ustanova ima značajan pad prihoda, a istovremeno je imala značajno povećanje rashoda zbog nabavke potrebne količine zaštitne opreme. Ustanova ima finansijsko opterećenje u 2021.godini po sljedećim osnovama: tužbe radnika, troškovi gubitka poslovanja depoa Dragunja i Dobrnja, dežurstva u apoteci Slatina, renoviranje i održavanje objekata u skladu sa sanitarnim propisima.

JP SKPC MEJDAN TUZLA

Vezano za Nacrt Budžeta za 2021.godinu konstatuje da su sredstva za 2021.godinu manja za 141.000,00 KM u odnosu na 2020.godinu, te imajući u vidu situaciju u kojoj se nalazi SKPC Mejdani, a to su problemi uzrokovani pandemijom i plavljenjem objekta predlaže da se nužno obezbjede sredstva za sljedeće namjene:

- grant za „Transfer za rad JP SKPC Mejdani Tuzla za 2021.godinu u iznosu od 275.000,00 KM;
- tekući grant za trenažni proces i troškove takmičenja sportskih klubova u sportskim objektima za 2021.godinu kroz aktivnosti Sportskog saveza Grada Tuzla;
- kapitalna investicija za nabavku semforsnog sistema u maloj dvorani iz razloga zastare sistema koji više nema mogućnost popravke.

BIT CENTAR TUZLA

Zahtjev da se povećaju sredstva u okviru ek.koda 614329-18 „Transfer za rad – JP BIT Centar Tuzla“ sa planiranih 20.000,00 KM na 65.000,00 KM, te da dinamika isplata bude kao i prethodnih godina zbog implementacije projekata u prvom dijelu 2021.godine.

RSD „SLOBODA“ TUZLA

Zahtjev da se na poziciji Grant neprofitnoj organizaciji RSD“Sloboda“ Tuzla za 2021.godinu planiraju sredstva u iznosu od 1.035.000,00 KM. Obrazloženje: Trenutno predviđena sredstva su u odnosu na prošlu godinu smanjena za 385.000,00 KM, te su stoga nedovoljna za rad i poslovanje korisnika ovog granta, čime je ugrožen i opstanak sljedećih sportskih organizacija: FK“Sloboda“, OKK“Sloboda“, AK“Sloboda-Tehnograd“, PK“Sloboda“, RK“Sloboda“ i kancelarija RSD „Sloboda“.

JP GRADSKA VETERINARSKA STANICA TUZLA

Primjedba da sredstva predviđena Nacrtom za 2021.godinu u iznosu od 40.000,00 KM nisu nedovoljna, te da bi minimum sredstava za rad JP Gradska Veterinarska stanica Tuzla trebao iznositi 75.000,00 KM, jer su materijalni troškovi koji najvećim dijelom opterećuju rad i poslovanje ovog preduzeća veći za preko 60% od sredstava u Nacrtu za 2021.godinu.

KUĆA PLAMENA MIRA TUZLA

Zahtjev da se obezbjedi dodatnih 9.000,00 KM na budžetskoj poziciji "Grant neprofitnoj organizaciji-UG "Kuća plamena mira" Tuzla, dakle da ukupna sredstva u Budžetu za 2021.godinu budu planirana na godišnjem nivou u iznosu od 30.000,00 KM, umjesto trenutno planiranog iznosa od 21.000,00 KM, čime bi ovo udruženje moglo pokriti redovne troškove održavanja i upravljanje objekta kao i minimum za nastavak programskih sadržaja za ranjive kategorije.

Obrazloženje: U prethodnom periodu na raspolaganju je bio niz besplatnih aktivnosti obezbjeđenih od strane Fred fondacije u iznosu od 10.000€ godišnje a ta sredstva su u cjelosti utrošena na programske sadržaje za ranjive kategorije.

UDRUŽENJE KUPACA SPO 15.MAJ

Udruženje se obratilo inicijativom za uvođenje posebne rashodovne budžetske stavke u Budžetu Grada Tuzla za 2021.godinu za hitnu pomoć kupcima SPO 15.MAJ u iznosu od 70.000,00 KM.

Obrazloženje: Finansijska sredstva su potrebna za izradu neophodnih elaborata, sanaciju diletacija na sastavu stambenog dijela objekta i podzemnih garaža, sanaciju diletacija na samom platou, obezbjeđenje adekvatnog saobraćajnog pristupa objektu (cca.20.000,00KM) i za nabavku i ugradnju rasvjetnih tijela iza objekta kod autobuske stanice (procjena 5.000,00 KM).

AMANDMAN NA NACRT BUDŽETA GRADA TUZLE ZA 2021.GODINU – PODNOSILAC MUSIĆ JUSUF, MZ DRAGUNJA

Zahtjev da se iznos na ekonomskom kodu „821-222-1- Izgradnja i rekonstrukcija puteva“ poveća za 100.000,00 KM na ime rekonstrukcije puta od Kamenjaša (mezarje) do izlaza u Avdibašiće dužine 1500m na dionici puta sjeverne zaobilaznice iz Tuzle prema Previlama. Podnosilac zahtjeva naglašava da su građani sa ovih područja izorganizovali sve što je bilo u njihovoj moći, te da se preko 40 vlasnika zemljišta dobrovoljno i besplatno odreklo dijela zemljišta potrebnog za proširenje nove trase puta, a sve u cilju da se ostvari san koji imaju nekoliko desetina godina. Dalje navodi da su građani u prethodnom periodu u nekoliko navrata bili spremni blokirati ovaj putni pravac za vozila veće nosivosti koji svojim teretom dodatno uništavaju put koji je ionako u lošem stanju, te naglašava da će građani ukoliko se ne počne riješavati problem puta Preville – Dokanj, zaista biti primorani i na takve korake.

AMANDMANI NA NACRT BUDŽETA GRADA TUZLE ZA 2021.GODINU - PODNOSILAC DAVOR PAVLIĆ, dostavljeno na zvaničnu mail adresu dana 09.02.2021.godine

U skladu sa Statutom Općine Tuzla, koji prema Statutarnoj odluci važi do donošenja Statuta Grada Tuzla, i to člana 108. Statuta predlaže tri amandmana na Nacrt budžeta grada Tuzla za period 01.01.-31.12.2021. godine, kako slijedi:

Amandman na komunalnu infrastrukturu

- Grantovima za nabavku i ugradnju toplotnih MRS u MZ Šićki Brod, Bukinje i Husino dodati 30.000,00 KM, što bi činilo ukupan iznos od 250.000,00 KM.
- Tekuće održavanje prostorija MZ koje gravitiraju TE Tuzla dodati 30.000,00 KM, što čini ukupno 50.000,00 KM.
- Za sanaciju klizišta izdvojiti dodatnih 150.000,00 KM, što čini ukupno 250.000,00 KM.
- Za higijenu grada, zimsku službu i zelene površine izdvojiti dodatnih 180.000,00 KM, što čini ukupno 2.300.000,00 KM.
- Za JU OŠ Bukinje izdvojiti 110.000,00 KM.

Obrazloženje:

Za komunalnu infrastrukturu u 2021. godini prema Nacrtu budžeta planirano je izdvojiti sredstva u ukupnom iznosu od 26.411.801,36 KM ili 43,12% ukupnih sredstava. Od čega oko 1/5 iznose sredstva dobivena od naknade za prihode ostvarene radom termoelektrana, što predstavlja iznos od 5.155.384,46 KM, što je u odnosu na prethodnu godinu tek 65,08% iznosa.

Za toplifikaciju je namijenjeno tek 1.748.682, 65 KM iz budžeta, dok je planirano 500.000 KM po osnovu namjenskih i vlastitih prihoda, tekućih transfera i donacija za 2021. godinu (u daljem tekstu: donacija), odnosno ukupno 2.248.582, 65 KM.

Predlagač navodi tri stavke na kojima je moguće uštedjeti, uz komentar da su nedovoljno određene, te smatram da su navedene stavke i planirani iznosi iz budžeta pretjerani:

- za grantovi za energijsku efikasnost iznos od 1.000.000,00 KM,
- za projekte energetske efikasnosti na javnim objektima iznos od 100.000,00 KM, i
- za izgradnju mostova iznos od 200.000,00 KM iz budžeta i 237.000,00 KM donacija, odnosno ukupno 437.000,00 KM.

Na osnovu navedenog predlaže da se od granta za energijsku efikasnost oduzme 800.000,00 KM, projekta energetske efikasnosti na javnim objektima oduzme 50.000,00 KM i za izgradnju mostova da se oduzme 200.000,00 KM namijenjenih iz budžeta, što je ukupno 1.050.000,00 KM.

Dalje predlaže da se grantovima za nabavku i ugradnju toplotnih MRS u MZ Šićki Brod, Bukinje i Husino doda 30.000,00 KM, što čini ukupno 250.000,00 KM.

Za izdatke za tekuće održavanje prostorija MZ koje gravitiraju TE Tuzla dodati 30.000,00 KM, što čini ukupno 50.000,00 KM.

Za sanaciju klizišta izdvojiti dodatnih 150.000,00 KM, što čini ukupno 250.000,00 KM.

Ističe da je nedovoljno brinuti se o klizištima samo onda kada ona nastanu, nego je u Tuzli, gradu sa specifičnim geografskim izgledom, potrebno uvijek ulagati u zaštitu od klizišta. Ova zaštita se treba ogledati u održavanju infrastrukture za odvod voda, ali i u pošumljavanju.

Iz istog razloga predlaže da se za 180.000,00 KM poveća budžet za higijenu grada, zimsku službu i zelene površine, što čini ukupan iznos od 2.300.000,00 KM.

U higijenu gradskih zelenih površina bi na taj način uvrstili ne samo redovne aktivnosti, nego i brigu o zasađenim mladima drveća koje često budu polomljene.

Dalje navodi da je neophodno izdvojiti sredstva za OŠ Bukinje kojoj bi se na taj način omogućilo da promijeni stolariju koja će smanjiti prodiranje čestica u školske učionice, kao i smanjenje buke od TE, ali i na način što će nova stolarija i fasada sa izolacijom biti više energetske efikasne, te će imati manje problema sa zagrijavanjem prostorija. Ističe da je grad najpozvaniji da izdvoji sredstva da se u ovoj obrazovnoj ustanovi omoguće nesmetani rad i

učenje, samim time i sigurnost na radu, obzirom da se OŠ Bukinje nalazi preko puta Termoelektrane Tuzla, Prethodno će se postići na način što će se Količina novca za ovaj projekt je za sada neprecizna. Ukoliko se za OŠ Bukinje izdvoji 110.000,00 KM, to znači da je ovdje uštedeno 550.000,00 KM. Svih 550.000,00 KM bilo bi potrebno preusmjeriti u toplifikaciju grada.

Amandman na ekonomiju

- Izdvojiti 332.499,41 KM za izdatke fonda za ublažavanje posljedica izazvanih COVID19 pandemijom.
- Izdvojiti 60.000,00 KM za grant samostalnim poduzetnicima i obrtnicima za ublažavanje socioekonomskih posljedica izazvanih COVID19.
- Izdvojiti 39.000,00 KM za JZU Gradske apoteke.
- Izdvojiti dodatnih 40.000,00 KM za TRŽNICE PIJACE, što bi činilo ukupno 80.000,00 KM.
- Izdvojiti dodatnih 25.000,00 KM za JP Veterinarska stanica, što bi činilo ukupno 100.000,00 KM.

Obrazloženje: Ukoliko se od nevladinog sektora i drugih aktivnosti iz oblasti društvenih djelatnosti oduzme 125.000,00 KM, zatim od finansiranja eksternih budžetskih korisnika tako da se budžet umanjuje za iznos koji prelazi 100% od prethodnog budžeta, što bi predstavljalo umanjeno od 149.674,41 KM i ukoliko se smanji finansiranje ostalih JU i JP za otprilike 3%, odnosno 57.825,00 KM, to bi značilo da bi se izdaci fonda za ublažavanje posljedica izazvanih COVID19 mogli finansirati sa 332.499,41 KM. COVID19 virus i njegove posljedice nisu nestale i izdvajanje 0 KM prema trenutnom budžetu predstavlja jednu nebrigu za posljedice koje to može imati na grad i građane.

Ukoliko se oduzme sve preko 100% što je namijenjeno za JU Narodno pozorište i JU Narodna i univerzitetska biblioteka, te ako se budžetska izdvajanja za JP RTV7 Tuzla umanjuje za 10%, to ukupno iznosi 104.000,00 KM. Ovim nacrtom budžeta za Tržnice Pijace je namijenjeno tek 25% prošlogodišnjeg budžeta. Iz uštedenog iznosa bi se mogao uvećati budžet namijenjen za Tržnice Pijace, kao i za neke druge budžetske korisnike kojima je budžet ispod prošlogodišnjih 100%. Izgradnja poslovnih zona za koju je namijenjeno 50.000,00 KM iz sredstava TE Tuzla i 10.000,00 na ime izrade projektne dokumentacije za potrebe lokalnog razvoja bi trebala biti usmjerena ponovno na grant samostalnim poduzetnicima i obrtnicima za ublažavanje socioekonomskih posljedica izazvanih COVID19.

Amandman na finansiranje socijalno ugroženih građana

- Izdvajanja za liječenje teško oboljelih u inostranstvu povećati za 30.000,00 KM, što bi činilo ukupno 50.000,00 KM.

Obrazloženje:

Ukoliko se u ovom dijelu oduzmu određeni iznosi gdje su pojedine organizacije dobile preko 100%, pa i 1500%, onda možemo povećati izdatke za liječenje teško oboljelih u inostranstvu za 30.000,00 KM, i to: uštedom od 8.000,00 KM na grant za MDD Merhamet Tuzla za narodnu kuhinju Imaret, 10.000,00 KM za Crveni križ za projekt tuđe njege i pomoći u gradu Tuzla, 5.000,00 KM za učešće grada u troškovima postupka pribavljanja odobrenja za građenje stambenih objekata boračke populacije, 5.000,00 KM za grant za povratak – LAP readmisija i 2.000,00 KM za subvencioniranje najamnine za korištenje stanova po modelu neprofitno-socijalnog stanovanja.

Predlagatelj Davor Pavlič izvodi sljedeći zaključak

Bez obzira što je odluka o raspodjeli sredstava radom Termoelektrana donešena prema zakonu, to ne znači da je ista etički i moralno korektna u periodu kada se nosimo sa zagađenjem zraka, ne samo od rada Termoelektrana, ložišta, auta i drugih zagađivača, nego i od virusa. Da bi se što efektivnije borili barem protiv prvih razloga, onda više sredstava mora biti usmjereno na prava mjesta. Ista moralna odgovornost vrijedi i za ulaganje u oporavak ekonomije od COVID19, kao i u zdravlje sugrađana.

UG RODITELJA I PRIJATELJA DJECE S DIJABETESOM „NOVI HORIZONTI“ TUZLA

-Udruženje se obratilo sa sljedećim prijedlozima:

1. Da se odobri finansiranje iz Budžeta Grada Tuzla za 2021.godinu sa iznosom od 14.500,00 KM namjenjenih za rad udruženja.

Obrazloženje:

Udruženje broji 155 članova djece i omladine oboljele od dijabetesa tipa 1. Udrženju nikada nisu dodjeljene adekvatne prostorije za rad, zbog čega se iznajmljuje poslovni prostor, a sredstva za plaćanje zakupa prikupljaju roditelji oboljele djece, kao i troškove komunalija. U udruženju svi rade na volonterskoj osnovi zbog čega je neminovno obezbjediti naknadu za rad sekeretara koja je maksimalno angažovana u radu Udruženja. Udruženje predlaže da se finansijska sredstva za rad Udruženja preraspodjele sa sljedećih pozicija: Grant za pomoć Fondaciji "Istina, pravda, pomirenje", Aero klub Tuzla, Udruženje „Viva žene“, GU samostalnih privrednika i Organizacija NERDA (obzirom da većina pobrojanih udruženja i organizacija imaju obezbjeđene i prostorije od Grada Tuzla, zaposlene radnike, mnogo manji broj korisnika i ne okupljaju populaciju bolesne djece).

2. da se formira nova budžetska stavka „Pomoć u nabavci senzora za bezbolno i kontinuirano mjerenje šećera u krvi za djecu i omladinu oboljelu od dijabetesa tipa 1 sa područja Grada Tuzla“ u iznosu od 37.800,00 KM, ili da se sredstva obezbjede iz Tekuće rezerve budžeta.

Obrazloženje: Udruženje broji 45 članova sa prebivalištem na područja Grada Tuzla, iznos koji je neophodno obezbjediti za nabavku senzora na godišnjem nivou iznosi 75.600,00 KM.

Obzirom da se radi o velikom iznosu Udruženje očekuje da se bar dio sredstava obezbjedi kako bi se roditeljima olakšala nabavka senzora, imajući u vidu da su druge općine i gradovi sa područja TK u svojim budžetima planirale finansijska sredstva za nabavku senzora, te da nemaju ni približno broj oboljele djece kao grad Tuzla, apeluje se da se pomogne kako bi oboljela djeca mogla imati senzore za bezbolno i kontinuirano mjerenje šećera u krvi.

JAVNA ZDRAVSTVENO-NASTAVNA USTANOVA DOM ZDRAVLJA „DR.MUSTAFA ŠEHOVIĆ“ TUZLA

Ustanova se obratila se zahtjevom za javnu raspravu na Nacrt budžeta za 2021.godinu, da se u Budžetu Grada Tuzla za 2021.godinu obezbjede sredstva u iznosu od 400.000,00 KM za nabavku, isporuku i instalaciju opreme za digitalizaciju radiologije (opšta radiologija i mamografija) i jednog RTG aparata na nivou Ustanove.

Obrazloženje: Zbog pojave pandemije došlo je do maksimalnog opterećenja postojećih kapaciteta dijagnostičke opreme kao i za potrebom za novom organizacijom rada kako bi se ispoštovle preporuke kriznih štabova (trijaža, posebni termini za kovid pozitivne i ostale pacijente, pojačana zaštita pacijenata i zdravstvenih radnika). Nabavka opreme navedene u zahtjevu pridonijela bi većem, efikasnijem i sigurnijem broju pruženih usluga, jer bi pacijenti bili izloženi manjoj dozi zračenja, liste čekanja bile bi svedene na minimum kao i potrošnja rtg filnova i hemikalija. Također, stvorili bi se uslovi za povezivanje Centra za specifična i nespecifična plućna oboljenja i Odjeljenja Radiologije u jedinstven informacioni sistem i bazu podataka na nivou ustanove.

NEFORMALNA GRUPA GRAĐANI ULICE PUT KRIŽANI, MZ SLAVINOVIĆI

Inicijativa da se u Budžet Grada Tuzla za 2021.godinu uvrsti budžetska stavka za proširenje vodovodne i kanalizacione mreže u naselju Sepetari, MZ Slavinovići u iznosu od cca. 15.000,00 KM.

Obrazloženje: U ulici Put Križani kod broja 199 postoji dugogodišnji problem nedostatka vodovodne i kanalizacione mreže, u dužini cca.300 metara kako bi bilo omogućeno priključenje desetak novoizgrađenih stambenih objekata koji posjeduju dozvole za gradnju na vodovodnu mrežu.

ISPRED GRUPE GRAĐANA IZ ULICE IVE ANDRIĆA OD BROJA 107 DO BROJA 118 , MZ BATVA

Dana 12.02.2021.godine putem maila zahtjevom se obratio građanin Ivan Petrić, Ispred grupe građana iz Ulice Ive Andrića od broja 107 do broja 118 (naselje Batva).

Grupa građana iz Ulice Ive Andrića od broja 107 do broja 118, MZ Batva, zahtjeva da se u Budžetu za 2021.godinu planiraju sredstva za su(finansiranje) asfaltiranja puta, kanalizacije i ulične rasvjete u Ulici Ive Andrića od broja 107 do broja 118 (naselje Batva).

Predstavnik grupe građana obrazlaže da su u julu 2020.godine preko MZ "Batva" prema Službi za komunalne poslove, izgradnju i poslove mjesnih zajednica, ispred grupe građana iz naselja Batva (Ulica Ive Andrića od broja 107 do 118) bila su upućena 3 zahtjeva, a koje je dana 12.02.2021.godine, kao prilog dostavio u toku trajanja javne rasprave uz zahtjev grupe građana, kako slijedi:

1. Zahtjev za asfaltiranje puta u Ulici Ive Andrića od broja 107 do broja 118;
2. Zahtjev za dovođenje kanalizacione mreže u Ulicu Ive Andrića od broja 107 do broja 118;
3. Zahtjev za dovođenje ulične rasvjete u Ulici Ive Andrića od broja 107 do broja 118, te da je Služba za komunalne poslove, izgradnju i poslove mjesnih zajednica pokrenula određene aktivnosti za rješavanje njihovih zahtjeva.

Predstavnik grupe građana zamolio je da se u Budžetu Grada Tuzle za 2021.godinu planiraju sredstva za rješavanje njihovih zahtjeva.

OMLADINSKI POKRET REVOLT

Dana 12.02.2021.godine, putem pisarnice smo zaprimili Predmet „ Amandmani na Nacrt budžeta Grada Tuzla za 2021.godinu“ koje je Omladinski pokret Revolt uputio navodeći sljedeće:

Omladinski pokret Revolt je dana 10.02.2021.godine organizovao javnu raspravu o Nacrtu budžeta za 2021.godinu, na kojoj je izložio svoje amandmane i otvorio prostor i za ostale građane da izlože svoje amandmane, ističući da je bio jako mali odaziv građana.

Omladinski pokret Revolt dostavio je svojih 6 amandmana, kako slijedi:

Amandman 1 – povećati za 20.000,00 KM sredstva na poziciji Grant pojedincima – za liječenje teško oboljelih u inostranstvu, tako da sredstva za ovu namjenu budu planirana u ukupnom iznosu 40.000,00 KM, umjesto 20.000,00 KM planiranih Nacrtom budžeta.

Predlagači navode da se sredstva od 20.000,00 KM za povećanje ove pozicije mogu omogućiti na sljedeći način:

- da se sredstva na ek. kodu „614311-20 -Grant za pomoć Fondaciji Istina, pravda, pomirenje“, umanje za 10.000,00 KM, navodeći da su razlozi zbog kojih je fonacija dobila stavku u budžetu otklonjeni i da rad Fondacije već nekoliko godina nije od suštinske važnosti za građane.

- da se sredstva na ek.kodu „614311-57 – Udruženje za razvoj Nerda“, umanje za 10.000,00 KM, obzirom da Udruženje ima mogućnost ostvarivanja prihoda i da nema ulogu koja je od ključne važnosti za građane da bi imala stalnu budžetsku pomoć.

Amandman 2 – planirati sredstva na ek.kodu „614510- Grant samostalnim poduzetnicima i obrtnicima za ublažavanje socio-ekonomskih posljedica izazvanih COVID-om 19“ u iznosu od 68.000,00 KM. Obzirom da je dokazano da su pandemijom koja još traje najviše pogođeni mali poduzetnici i obrtnici, neohodno je planirati iznos sredstva za ovu namjenu. Shodno tome, kako bi se obezbjedila navedena sredstva, predlagači predlažu da se umanje sredstva na sljedećim ek.kodovima:

- 614323 - Transfer za rad parlamentarnih grupa u iznosu od 30.000,00 KM, i

- 613975-1 – Naknade vijećnicima za rad u Gradskom vijeću u iznosu od 38.000,00 KM, navodeći da bi gradski vijećnici trebali iskazati solidarnost kako bi pomogli u stanju pada ekonomije zbog trajanja pandemije, te na taj način pomogli svojim sugrađanima.

Amandman 3 - povećati za 20.000,00 KM sredstva na ek.kodu „614311-56 - Grant za projekte za mlade“, tj.u konačnici po ovom osnovu bi se trebalo izvajati 43.000,00 KM, obzirom da se za navedeni grant trenutno procentualno izdvaja najmanje sredstava.

Kako bi se obezbjedila navedena sredstva, predlagači predlažu umanjeње sredstva na ek.kodu „614323 - Transfer za rad parlamentarnih grupa – klubova vijećnika u GV Tuzla u iznosu od 20.000,00 KM.

Amandman 4 - povećati za 5.000,00 KM sredstva na ek.kodu „614329-24 – Transfer za rad Vijeće mladih grada Tuzle“ čime bi ova stavka iznosila 17.000,00 KM.

Kako bi predloženo povećanje bilo ostvarivo predlaže se umanjeње sredstava na stavci „614319 - Tekući grant vjerskim zajednicama“ u iznosu od 5.000,00 KM. Vjerske zajednice imaju još dva granta iz budžeta, te su izdvajanja za njih procentualno značajno veća nego izdvajanja za mlade, te se ističe da treba uzeti u obzir vjerske zajednice ne bi trebale imati toliki iznos sredstava iz budžeta obzirom da se radi o novcu svih građana, te da se veliki broj građana identificira sa nekom od religijskih zajednica koja se ne može ostvariti kroz ovaj grant vjerskim zajednicama ili se identificiraju kao ateisti ili agnostici. Pored ove stavke predlaže se i umanjeње na stavci 821222-2 – Izgradnja mostova u iznosu od 5.000,00 KM, u korist transfera za rad Vijeća mladih grada Tuzle.

Amandman 5 - povećati iznos sredstva na ek.kodu „821222-1– Izgradnja i rekonstrukcija puteva“ za 240.000,00 KM.

U svrhu povećanja navedene stavke predlaže se umanjeње na sljedećim ek.kodovima:

- „613975-2 – Naknade članovima radnih tijela GV“ u iznosu od 58.000,00 KM (10% od ukupne stavke),

- „613324-2 – Izdaci za održavanje zelenih površina“ u iznosu od 40.000,00 KM (10% od ukupne stavke),

- „821222-2 – Izgradnja mostova“ u iznosu od 5.000,00 KM (5% od planiranog iznosa),

- 821300 – Nabavka opreme za gradske službe i javne ustanove u iznosu od 27.000,00 KM (10% od ukupne stavke),

- „821300 – Nabavka opreme“ Urbani mobilijar u iznosu od 10.000,00 KM (33,3% od ukupne stavke),

- 841 – Religijske i druge zajedničke usluge u iznosu od 6.000,00 KM (10% od ukupne stavke),

- „614311-28 – Grant neprofitnoj organizaciji Sportski savez grada Tuzla“ u iznosu od 35.000,00 KM (10% od ukupne stavke),

- „615311-4 – Kapitalni grant vjerskim zajednicama“ u iznosu od 5.000,00 KM (16,66% od ukupne stavke),

- „614329-3 – Transfer za rad – Crveni križ grada Tuzla“ u iznosu od 4.000,00 KM (10 % od ukupne stavke),

- „615411-11 – Kapitalni grant JU Dom penzionera Tuzla – energijska efikasnost“ u iznosu od 50.000,00 KM (10 % od ukupnog iznosa).

Amandman 6 - povećati iznos sredstva na ek.kodu „821224-1– Izgradnja vodovodne i kanalizacione mreže i objekata vodosnabdijevanja“ za 101.400,00 KM, čime bi ova stavka iznosila 301.400,00 KM.

U svrhu povećanja navedene stavke predlaže se umanjeње na sljedećim ek.kodovima:

- „613324-1 – Izdaci za održavanje higijene grada“ u iznosu od 50.000,00 KM (10% od ukupne stavke),

- „613976-2 – Naknade savjetima MZ“ u iznosu od 51.400,00 KM (10% od ukupne stavke).

Omladinski pokret Revolt dostavio je jedan amandmana od strane građana, i to:

Amandman građana:

-Da se izvrši povećanje na poziciji „0502-821222-1 – Izgradnja i rekonstrukcija puteva“ u iznosu od 42.446,00 KM, te da se taj novac namjenski utroši za izgradnju dionice puta u naselju Tisovac, dio Divkovići. Kako bi to bilo ostvarivo, predlaže se umanjeње na sljedećim stavkama:

- „613970 – Naknade članovima radnih tijela GV“, u iznosu od 10.000,00 KM;

- „613970 – Naknade savjetima mjesnih zajednica“, u iznosu od 8.400,00 KM;

- prijedlog da se na stavci 821300 – Nabavka opreme za gradske službe i javne ustanove, odustane od povećanja od 86.655,00 KM, tj. da izdaci po ovoj stavci ne prelaze povećanje veće od 8.665,00 KM, gdje planirani rashod budžeta za 2021. godinu iznosi 243.335,03 KM.
- „821300 – Nabavka opreme Urbani mobilijar“ u iznosu od 18.000,00 KM.
- 615300 – Kapitalni grant neprofitnim organizacijama i to: vjerskim zajednicama, DVD-a na području grada Tuzla, Memorijalni centar Potočari, umanjiti 50.000,00 KM, odnosno da se planira u ukupnom iznosu od 90.000,00 KM na nivou prošle godine, obzirom da navedene organizacije imaju različite izvore finansiranja te se i pored toga finansiraju iz budžeta.

AMANDMAN GRUPE GRAĐANA NASELJA TISOVAC, GORNJA LIPNICA, MZ GORNJA LIPNICA

Dana 12.02.2021. godine, putem pisarnice smo zaprimili Amandman na Nacrt budžeta Grada Tuzla za 2021. godinu na kojem je radila grupa građana naselja Tisovac.

U uvodnom dijelu akta ističe se da je 2018. godine Služba za komunalne poslove, izgradnju i poslove MZ-a dostavila predračun za pipremanje i asfaltiranje dionice ceste u naselju Tisovac, naselje Divkovići, gdje su u predračunu bili navedeni sljedeći podaci: dužina dionice 480m, širine 3m, ukupna vrijednost projekta (sa uračunatim PDV-om) 66.222,00 KM, učešće građana 13.200,00 KM. Nakon ponovnog mjerenja ustanovljeno je da je dionica kraća za 20% cjelokupne dužine što je značajno umanjilo vrijednost projekta, odnosno za 13.200,00 KM, čime se i obaveza učešća građana umanjila za 2.640,00 KM i iznosi 10.560,00 KM. Zaključno sa 16.1.2019. godine, mještani naselja Tisovac skupili su i uplatili 10.576,00 KM, te od Odjeljenja za poslove mjesnih zajednica dobili potvrdu o uplati. Nakon toga je više puta planiran početak radova, ali ni do 12.01.2021. godine radovi nisu počeli.

Shodno svemu navedenom građani naselja Tisovac upućuju amandman na Nacrt budžeta za 2021. godinu kako slijedi:

- Da se izvrši povećanje na poziciji „0502-821222-1 – Izgradnja i rekonstrukcija puteva“ u iznosu od 42.446,00 KM, te da se taj novac namjenski utroši za izgradnju dionice puta u naselju Tisovac, dio Divkovići.

Kako bi to bilo ostvarivo, predlaže se umanjjenje na sljedećim stavkama:

- „613970 – Naknade članovima radnih tijela GV“, u iznosu od 10.000,00 KM;
- „613970 – Naknade savjetima mjesnih zajednica“, u iznosu od 8.400,00 KM;
- prijedlog da se na stavci 821300 – Nabavka opreme za gradske službe i javne ustanove, odustane od povećanja od 86.655,00 KM, tj. da izdaci po ovoj stavci ne prelaze povećanje veće od 8.665,00 KM, gdje planirani rashod budžeta za 2021. godinu iznosi 243.335,03 KM;
- „821300 – Nabavka opreme Urbani mobilijar“ u iznosu od 18.000,00 KM;
- 615300 – Kapitalni grant neprofitnim organizacijama i to: vjerskim zajednicama, DVD-a na području grada Tuzla, Memorijalni centar Potočari, umanjiti 50.000,00 KM, odnosno da se planira u ukupnom iznosu od 90.000,00 KM na nivou prošle godine, obzirom da navedene organizacije imaju različite izvore finansiranja te se i pored toga finansiraju iz budžeta.

VIJEĆE MLADIH GRADA TUZLA

Dana 12.02.2021. godine, putem pisarnice smo zaprimili akt Vijeća mladih grada Tuzla, u kojem su dostavljeni na razmatranje komentari na Nacrt Budžeta Grada Tuzla za 2021. godinu. Vijeće mladih grada Tuzla kao krovna organizacija za mlade, ističe da je razočarana činjenicom da u Nacrtu budžeta za 2021. godinu nisu dobili kvalitetniju, konkretniju i značajniju podršku.

Dalje se ističe da u Nacrtu budžeta za 2021. godinu postoje samo tri budžetske stavke koje su direktno i isključivo namjenjene mladima, uz komentar da su planirana sredstva više nego simbolična, te iskazuje sljedeće zahtjeve:

- Sufinansiranje kamatne stope za stambeno zbrinjavanje mladih u iznosu od 100.000,00 KM, obzirom da je iznos simboličan, a da se obezbjeđenjem sredstava na ovoj poziciji omogućava ostanak mladih u BiH, predlaže da se preispita visina naknada gradskim vijećnicima,

parlamentarnim grupama – klubovima vijećnika u GV Tuzla, te članovima savjeta mjesnih zajednica, te da se takva povećanja sa navedenih pozicija preusmjere na povećanje stavke „ Sufinansiranje kamatne stope za stambeno zbrinjavanje mladih“.

- Projekti za mlade u iznosu od 23.000,00 KM je potrebno povećati za 50.000,00 KM, obzirom da se konstantno povećava broj omladinskih organizacija koje apliciraju na javni poziv putem LOD metodologije, a da se sredstva osiguraju kroz smanjenje „Transfera za rad parlamentarnih grupa – klubova vijećnika“ koji ima dodjeljena sredstva u iznosu od 500.000,00 KM, te se smanjenjem ne bi narušilo funkcionisanje istih.

- Povećati iznos sredstava na poziciji Transfer za rad Vijeća mladih grada Tuzla za 10.000,00 KM, sa trenutno planiranih 12.000,00 KM na 22.000,00 KM, kako bi se dodatno unaprijedio rad Vijeća mladih grada Tuzla. Zahvaljujući ovom transferu iz Budžeta Grada, Vijeće mladih grada Tuzle je jedno od najaktivnijih i najkvalitetnijih na prostoru FBiH.

- Uvesti grant za borbu protiv korupcije i nepotizma u iznosu od 100.000,00 KM.

Uvođenjem ovog granta osigurala bi se mogućnost formiranja operativne grupe za borbu protiv negativnih pojava unutar lokalne zajednice, ali i mogućnost apliciranja NVO koje bi direktno radile na suzbijanju istih. Vijeće mladih grada Tuzla je spremno u kratkom roku dostaviti operativni prijedlog plana za utrošak navedenih sredstava.

- Uvesti grant za implementaciju akcionog plana 2020.-2022. godina Strategija prema mladima Grada Tuzla. Strategija prema mladima Grada Tuzla usvojena je krajem 2017. godine, te je neophodno da se planiraju sredstva za implementaciju akcionog plana za 2021. godinu.

MJESNA ZAJEDNICA SOLANA

Dana 15.02.2021. godine, dakle po isteku perioda javne rasprave putem pisarnice smo zaprimili Predmet „Primjedbe, prijedlozi i sugestije na Nacrt Budžeta Grada Tuzla za 2021. godinu“ u kojem MZ Solana upućuje primjedbe, prijedloge i sugestije, kako slijedi:

- Nisu planirana konkretna sredstva za izgradnju komunalne infrastrukture u MZ Solana.

- Povećati sredstva za projektnu dokumentaciju jer bez pripremljene projektne dokumentacije nama ni sredstava ni realizacija.

- Za MZ Solana planiran je samo iznos od 50.000,00 KM za sanaciju krova na objektu Spomen doma Moluhe.

- Umanjiti iznos Grant za pomoć Fondaciji „Istina, pravda, pomirenje“, koji iznosi 50.000,00 KM, te ga planirati ubuduće spram aktivnosti Fondacije.

- Na Sredstvima od TE u okviru Službe za ekonomski razvoj, poduzetništvo i poljoprivredu nisu naznačene konkretne aktivnosti u vezi planiranih sredstava na poziciji Kapitalni izdaci.

- Ukupna planirana sredstva u iznosu od 26.026.801,36 KM na Službi za komunalne poslove, izgradnju i poslove mjesnih zajednica nisu pravilno raspoređena ako je težnja poboljšanje uslova života građana i ekološkog stanja, posebno u okviru Fonda sredstva od TE, jer nisu konkretno raspoređena po mjesnim zajednicama koje su u neposrednoj blizini TE Tuzla.

- Povećati sredstva za nabavku materijala za mjesne zajednice sa 4.000,00 KM na 20.000,00 KM.

- Povećati sredstva na ek.kodu Izdaci za tekuće održavanje prostorija MZ-a, sa trenutnih 60.000,00 KM na 200.000,00 KM, jer je većina prostora mjesnih zajednica u katastrofalnom stanju. Umanjiti sredstva na ek.kodu naknade savjetima MZ, obzirom da savjeti neće biti plaćeni za I, II i III mjesec 2021. godine, a tj iznos od cca. 120.000,00 KM, skupa sa iznosom od 80.000,00 KM iz prošle godine (naknade koje nisu isplaćene za novembar i decembar 2020.g), te ista usmjeriti na uređenje prostorija mjesnih zajednica.

UDRUŽENJE VOZAČA I AUTOMEHANIČARA GRADA TUZLA

Dana 12.02.2021.godine putem pošte smo zaprimili primjedbe na Nacrt Budžeta za 2021.godinu, koje je uputilo Udruženje vozača i automehaničara, kako slijedi:

- da se poveća iznos sredstava za saobraćajnu infrastrukturu kako bi se ista dovela u punu funkcionalnost sa što manje zastoja,
- da se u budžetu planira dio sredstava za organizaciju DEFLEA vozila gradskim ulicama povodom 15.januara, za adaptaciju objekta, uređenje fasade objekta koji se nalazi u Zlatarskoj učici broj 13, plaćanje komunalija i drugih aktivnosti udruženja.

5. ZAKLJUČCI I IZVJEŠTAJ SA ODRŽANE JAVNE RASPRAVE O NACRTU BUDŽETA GRADA TUZLA ZA 2021.GODINU SA PREDSTAVNICIMA ORGANIZACIJA IZ OBLASTI BIZ-a

Dana 12.02.2021.godine putem pošte smo zaprimili Zapisnik sa Javne rasprave koju je održala Služba za boračko invalidsku zaštitu, stambene poslove i integraciju raseljenih lica sa predstavnicima Koordinacije boračkih organizacija Grada Tuzla (12 organizacija i udruženja). U raspravi su učestvovali svi predstavnici organizacija i udruženja i jednoglasno su donešeni sljedeći zaključci:

- uz jedinstven stav predstavnici su izrazili zahtjev za povećanje iznosa planiranih sredstava na poziciji za jednokratne pomoći za pripadnike branilačke populacije za 10%, tj.umjesto prošlogodišnjeg iznosa od 415.000,00 KM da se planira 450.000,00 KM.

Obrazloženje: U svim organizacijama je evidentiran porast broja zahtjeva za pomoć u slučaju nastanka teških bolesti, te je sve veći broj branilaca koji su ostali bez zaposlenja.

- predstavnici su bili jedinstveni u zahtjevu za povećanje pozicije „Transfer za rad organizacija i udruženja u oblasti BIZ-a za 10% od trenutno planiranog iznosa Nacrtu budžeta za 2021.godinu od 278.000,00 KM, odnosno da se na toj poziciji planira 300.000,00 KM, uz obrazloženje da bi u tom slučaju mogli interventno djelovati u najtežim slučajevima.

6. ZAKLJUČCI I IZVJEŠTAJ SA ODRŽANE JAVNE RASPRAVE O NACRTU BUDŽETA GRADA TUZLA ZA 2021.GODINU SA PREDSTAVNICIMA JAVNIH PREDUZEĆA, JAVNIH USTANOVA I NEVLADINOG SEKTORA IZ OBLASTI RAZVOJA, PODUZETNIŠTVA I POLJOPRIVREDE

Dana 12.02.2021.godine zaprimili smo od Službe za ekonomski razvoj, poduzetništvo i poljoprivredu Izvještaj o provedenoj javnoj raspravi o Nacrtu budžeta za 2021.godinu i Nacrtu Odluke o izvršavanju Budžeta Grada Tuzla za 2021.godinu.

Služba je organizovala javnu raspravu način da se primjedbe, prijedlozi i sugestije o Nacrtu Budžeta Grada Tuzla i Nacrta Odluke o izvršenju Budžeta Grada Tuzla za period 01.01.- 31.12.2021.godine u dijelu koji se odnosi na Javne ustanove koje su u sistemu trezorskog poslovanja, korisnici budžetskih sredstava iz oblasti razvoja, poduzetništva i poljoprivrede, javne ustanove i javna preduzeća čiji je osnivač Grad Tuzla, dostavljaju u pisanoj formi i/ili elektronskom poštom najkasnije do 10.02.2021.godine, a u skladu sa propisanim epidemiološkim mjerama zabrane okupljanja zbog pandemije korona virusa.

Analizom prijedloga korisnika, te sagledavajući trenutno stanje i objektivnu potrebu za korekcijom planiranog iznosa sredstava u Nacrtu Budžeta za 2021. godinu, Služba smatra da su primjedbe i prijedlozi na Nacrt Budžeta opravdane i da ih u skladu sa mogućnostima treba usvojiti, kako bi se obezbijedio minimum sredstava potrebnih za normalno funkcionisanje korisnika i efikasno i kontinuirano zadovoljavanje potreba građana u toku cijele 2021.godine.

Prilog I: Tabela prikaz iskazanih potreba budžetskih korisnika u okviru Jedinog računa trezora Grada Tuzla, u odnosu na predloženi Nacrt Budžeta za 2021.godinu, kako slijedi:

R/br	Javna ustanova	Nacrt Budžeta za 2021.godinu	Prijedlog korisnika
1.	JU „Centar za socijalni rad“ Tuzla	1.084.200,00	1.167.190,00
2.	JU „Centar za kulturu“ Tuzla	696.600,00	752.100,00
3.	JU „Naše dijete“ Tuzla	1.670.000,00	1.708.000,00

Obrazloženje:

1.JU „Centar za socijalni rad“ Tuzla, u odnosu na Nacrt Budžeta za 2021. godinu, sredstva treba uvećati za iznos od 82.990,00 KM

Služba nakon provedene analize prijedloga JU „Centar za socijalni rad“ Tuzla smatra da finansijska sredstva koja su prethodno bila planirana na poziciji bruto plaća u Nacrtu Budžeta za 2021. godinu, treba povećati za normalno funkcionisanje JU „Centra za socijalni rad“ Tuzla. Navedena sredstva na poziciji bruto plaća su namjenjena za prijem uposlenika, budući da obim poslova iz oblasti stručnog rada se konstantno povećava, a trenutna struktura i broj zaposlenih ne odgovara minimalnim standardima za kvalitetno pružanje usluga.

Služba smatra da na poziciji Nabavka opreme je potrebno planirati dodatna sredstva u visini od 5.000,00 KM, koja će biti namijenjena za nabavku kompjuterske opreme, kako bi se omogućio brži i efikasniji rad kao i pristup bazama podataka koje koriste uposlenici Centra za socijalni rad.

2.JU „Centar za kulturu“ , u odnosu na Nacrt Budžeta za 2021. godinu, potrebno je planirati uvećanje sredstava za iznos od 55.500,00 KM

Nakon provedene analize dostavljenih primjedbi i prijedloga JU „Centar za kulturu“ Tuzla za izdvajanje dodatnih sredstava u iznosu 55.500,00 KM, Služba smatra da su primjedbe na Nacrt Budžeta za 2021.godinu JU „Centar za kulturu“ Tuzla, opravdane i da ih u skladu sa mogućnostima treba usvojiti, kako bi se obezbijedio minimum sredstava potrebnih za normalno funkcionisanje Ustanove.

3.JU za Pedagoški odgoj i obrazovanje „Naše dijete“ Tuzla, u odnosu na Nacrt Budžeta za 2021. godinu, sredstva treba uvećati za iznos od 38.000,00 KM

Nakon provedene analize dostavljenih primjedbi i prijedloga JU „Naše dijete“ Tuzla na Nacrt Budžeta za 2021.godinu, Služba je mišljenja da je neophodno planirati dodatna finansijska sredstva u iznosu od 38.000,00 KM, na poziciji bruto plate, kako bi se omogućio nesmetan rad nove poslovne jedinice/vrtića u Gornjoj Tuzli, obzirom da Ustanova mora angažovati dodatni kadar. Režijske troškove, troškove goriva, hrane i zakupa Ustanova bi finansirala iz vlastitih prihoda.

Prilog II : Tabela prikaz iskazanih potreba budžetskih korisnika na pozicijama Transferi za rad i Tekući grantovi, u odnosu na predloženi Nacrt Budžeta za 2021.godinu, kako slijedi:

Ekonomski kod	Tekući izdaci:	Predloženi Nacrt Budžeta za 2021.godinu	Prijedlog korisnika
614329-10	Transfer za rad – JP RTV 7 doo Tuzla	555.000,00	600.000,00
614329-20	Transfer za rad – JP „Veterinarska stanica“ Tuzla	40.000,00	75.000,00
614329-26	Grant za tekuće poslovanje d.o.o. Tržnice Pijace Tuzla	40.000,00	100.000,00
614329-23	Tekući grant JZU Gradske apoteke Tuzla	0,00	210.000,00
614329-2	Transfer za rad – Gradsko udruženje samostalnih privrednika	20.000,00	35.000,00
614329-19	Transfer za rad-JP SKPC Mejdan Tuzla	195.000,00	275.000,00
Nova pozicija	Kapitalni grant - za nabavku semaforškog sistema	0,00	30.000,00
614329-18	Transfer za rad JP BiT Centar Tuzla	20.000,00	65.000,00

Na poziciji - **Transfer za rad JP RTV 7 Tuzla**, predlaže povećanje sredstva za iznos od 45.000,00 KM. Dodatna sredstva koja se predlažu bila bi iskorištena za izmirenje plata i naknada uposlenih u ovom Preduzeću, naknada Nadzornom odboru i Odboru za reviziju. Ostale naknade radnicima, kao i komunalne i druge troškove Preduzeće izmiruje iz vlastitih sredstava.

Na poziciji - **Transfer za rad – JP Veterinarska stanica Tuzla**, potrebno je planirati dodatni iznos od 35.000,00 KM, iz razloga što planirani iznos u Nacrtu budžeta za 2021.godinu nije dostatan za rad i funkcionisanje preduzeća. Dodatni iznos od 35.000,00 KM, bio bi iskorišten za pokrivanje materijalnih troškova, koji svojim najvećim dijelom opterećuju rad i poslovanje JP Veterinarska stanica Tuzla. JP Gradska Veterinarska stanica Tuzla u svojim primjedbama i prijedlozima ističe da su predložena finansijska sredstva u Nacrtu Budžeta za 2021.godinu nedostatna, obzirom da su troškovi veći za preko 60% od predloženog iznosa u Nacrtu Budžeta.

Na poziciji – **Grant za tekuće poslovanje d.o.o. Tržnice Pijace**, potrebno je planirati dodatna finansijska sredstva za 2021.godinu, u iznosu od 60.000,00 KM. Procjenom rezultat poslovanja Društva za 2021.godinu, proizilazi da će mjesečni prihodi Društva biti manji u odnosu na mjesečne rashode, što znači da će Društvo imati poteškoća u redovnom poslovanju, prije svega u izmirivanju obaveza prema radnicima, dobavljačima i zakonskim obavezama u smislu poreza, doprinosa i sl. Na poslovanje Društva u 2020.godini, znatno je uticala i pandemija korona virusa, a i pretpostavka je da će i u 2021.godini poslovanje Društva imati smanjenje prihoda i poteškoće u naplati potraživanja od strane zakupaca. Osim svega navedenoga na poslovanje Društva u 2021.godini, značajan uticaj će imati i provedba zakonskih propisa koji regulišu rad na pijacama, a tiču se obavezne registracije svih zakupaca kao „trgovca pojedinca“.

Na poziciji - **Tekući grant za JZU Gradske apoteke Tuzla** neophodno je planirati finansijska sredstva za 2021. godinu u iznosu od 210.000,00 KM. Predložena sredstva se odnose na podršku poslovanja JZU Gradske apoteke Tuzla, koja bi se trebala usmjeriti na tužbe i obeštećenja radnika, troškove gubitka poslovanja ap.depoa „Dobrnja“ i ap.depoa „Dragunja“, organizaciju dežurstva u apoteci „Slatina“, tekuće održavanje apoteka. Ustanova napominje da je samo u januaru 2021.godine, imala manji promet za preko 100.000,00 KM u odnosu na prethodnu godinu.

Na poziciji - **Transfer za rad Opšte udruženje samostalnih obrtnika grada Tuzla** potrebno je planirati povećanje finansijskih sredstava za 2021. godinu, u iznosu od 15.000,00 KM. Opšte udruženje samostalnih obrtnika Grada Tuzla jedno od rijetkih udruženja koja imaju zaposlene, i što se iz godine u godinu povećava broj planiranih aktivnosti koje Gradska uprava predaje na realizaciju Udruženju. Jedno je od rijetkih institucija iz NVO koja i u vrijeme pandemije korona virusa niti jednog dana nije zatvarala svoje prostorije za obrtnike koji su u tom periodu imali bezbroj pitanja, strahova i nedoumica vezano za daljne poslovanje. Udruženje smatramo strateškim partnerom u oblasti lokalnog ekonomskog razvoja, te zbog navedenih razloga predlažemo da se u Nacrtu Budžeta za 2021. godinu planiraju dodatna sredstva u iznosu od 15.000,00 KM, što bi na ovoj poziciji ukupno iznosilo 35.000,00 KM, a kako bi se nesmetano mogle realizovati sve aktivnosti koje su planirane u 2021. godini.

Na poziciji - **Transfer za rad – JP SKPC Mejdan** Tuzla, potrebno je planirati povećanje finansijskih sredstava u iznosu od 80.000,00 KM, kako za podršku poslovanja ovog subjekta tako i za održavanje objekta i opreme JP SKPC “Mejdan“, kao javnog dobra grada, za što se potrebna sredstva ne mogu obezbjediti iz redovne aktivnosti preduzeća, s obzirom da sistemski nije efikasno regulisana problematika finansiranja sporta, što je sada još više izraženo, s obzirom na negativne efekte, prije svega, krizom uzrokovanom pandemijom korona virusa, koja je zaustavila organizaciju i realizaciju privrednih i kulturnih manifestacija (koncerti, sajmovi, promotivne aktivnosti itd.). Također, JP SKPC Mejdan u svojim primjedbama i prijedlozima ističe potrebu nabavke RGB HD semafora u maloj dvorani SKPC Mejdan, ističući da je semaforski sistem u maloj dvorani već dotrajavao i nema više mogućnost popravke i reparacije. Iz tog razloga predlažu da se otvori nova pozicija – Kapitalni grant za nabavku semaforskog sistema u iznosu od 30.000,00 KM.

Na poziciji - **Transfer za rad JP BIT centar Tuzla**, potrebno je planirati dodatna sredstva za iznos od 45.000,00 KM. Predloženi iznos je planiran Planom poslovanja JP „BIT Centar“ d.o.o. Tuzla, koji je i usvojen od strane Skupštine Preduzeća, i predstavlja realan finansijski okvir za potrebe poslovanja JP BIT Centar“ d.o.o. Tuzla.

7. IZVJEŠTAJ SA ODRŽANE JAVNE RASPRAVE O NACRTU BUDŽETA GRADA TUZLA ZA 2021.GODINU SA PREDSTAVNICIMA IZ OBLASTI KULTURE, SPORTA, PITANJA MLADIH, SOCIJALNE ZAŠTITE I NEVLADINOG SEKTORA

Dana 15.02.2021.godine zaprimili smo od Služba za kulturu, sport, mlade i socijalnu zaštitu Izvještaj o provedenoj javnoj raspravi o Nacrtu budžeta za 2021.godinu i Nacrtu Odluke o izvršavanju Budžeta Grada Tuzla za 2021.godinu.

Služba je organizovala i provela javnu raspravu o Nacrtu budžeta Grada Tuzla za period od 1.1. do 31.12.2021. godine i Nacrtu Odluke o izvršavanju Budžeta Grada Tuzla za 2021. godinu za korisnike iz oblasti kulture, sporta, pitanja mladih, socijalne zaštite i druge neprofitne organizacije korisnike Budžeta Grada Tuzle, na način da su svi zainteresovani mogli dostaviti primjedbe, prijedloge i sugestije u pisanoj formi na adresu Službe za kulturu, sport, mlade i socijalnu zaštitu ili putem e-maila, a zaključno sa 13.2.2021. godine, također su omogućena dodatna pojašnjenja i konsultacije za sve zainteresovane direktno u Službi uz prethodnu najavu.

U periodu trajanja javne rasprave dostavljeni su sljedeći prijedlozi, primjedbe i sugestije:

- **UG Kuća plamena mira Tuzla** obratilo se sa zahtjevom za uvećanje iznosa na budžetskoj poziciji „Grant neprofitnoj organizaciji – Kuća plamena mira“ na 30.000,00 KM uz obrazloženje

da su sredstva u navedenom iznosu na godišnjem nivou neophodna za pokrivanje redovnih troškova održavanja i upravljanja objektom te za nastavak programskih sadržaja za ranjive kategorije građana.

- **Centar za djecu sa višestrukim smetnjama „Koraci nade“** iz Tuzle uputio je zahtjev za planiranje posebne budžetske pozicije za sufinansiranje aktivnosti Centra u minimalnom iznosu od 15.000,00 KM do 20.000,00 KM. Ova sredstva bila bi namijenjena za sufinansiranje troškova programskih aktivnosti odnosno edukacijsko-rehabilitacijskih tretmana i psihosocijalne podrške djeci i mladima sa invaliditetom sa područja grada Tuzle i njihovim roditeljima.

- **Udruženje građana, roditelja i prijatelja djece sa dijabetesom „Novi horizonti“ Tuzla** uputilo je prijedlog da se ovo Udruženje uvrsti u Budžet Grada Tuzle sa iznosom finansijskih sredstava od 14.500,00 KM koja bi bila namijenjena za rad Udruženja. Također, upućen je i prijedlog da se formira nova budžetska pozicija na kojoj bi bila planirana sredstva u iznosu od 37.800,00 KM za pomoć u nabavci senzora za bezbolno i kontinuirano mjerenje šećera u krvi za djecu i omladinu oboljelu od dijabetesa tipa 1 sa područja grada Tuzle kao i pozicija za pomoć u nabavci senzora za kontinuirano i bezbolno mjerenje šećera u krvi za djecu i omladinu članove Udruženja s područja grada Tuzle.

- **UG „Tvornica magije - Magic factory“** uputilo je zahtjev da se ovo Udruženje uvrsti u Budžet Grada Tuzle sa iznosom od 50.000,00 KM koja bi se koristila za pokrivanje troškova uposlenih, zakupa poslovnih prostorija, materijalnih i putnih troškova, nabavku opreme te troškova organizacionog dijela manifestacija.

- **Udruženje Ad Plejade Tuzla** uputilo je prijedlog da se sredstva na poziciji „Grant za projekt za mlade“ uvećaju sa planiranih 23.000,00 KM na 30.000,00 KM.

- **Gradski nogometni/fudbalski savez Tuzla** uputio je prijedlog da se iznos na poziciji „Grant neprofitnoj organizaciji – Sportski savez grada Tuzla“ sa planiranih 350.000,00 KM uveća na 380.000,00 KM te da se u okviru navedene stavke iznos od 20.000,00 KM planira za plaćanje troškova kotizacija sportskih klubova za učešće u pripadajućim nogometnim ligama.

- **Aero klub Tuzla** uputio je prijedlog za povećanje iznosa na poziciji „Grant za Aero klub Tuzla“ sa planiranih 12.000,00 KM na 25.000,00 KM koliko je bilo planirano u Budžetu Grada Tuzla za 2020. godinu uz obrazloženje da je sportsko zrakoplovstvo jako atraktivan ali ozbiljan sport jer zahtijeva veliku predanost i velike finansijske troškove zbog visoko postavljenih standarda u korištenju i održavanju letjelica.

- **Sportski savez grada Tuzla** dostavio je zahtjev za uvećanje sredstava na poziciji Grant neprofitnoj organizaciji – Sportski savez grada Tuzla sa planiranih 350.000,00 KM na 406.900,00 KM

- **KK „Jedinstvo Dženex“ Tuzla** dostavilo je zahtjev za uvećanje finansijskih sredstava na poziciji „Grant neprofitnoj organizaciji KK Jedinstvo-Dženex Tuzla“ sa planiranih 20.000,00 KM na 30.000,00 KM sa osvrtom na bogatu i uspješnu istoriju ovog kluba.

- **JP SKPC Mejdan Tuzla** u prijedlogu koji se odnosi na nadležnosti ove Službe, smatra da je nužno obezbijediti tekući grant za trenažni proces i troškove takmičenja sportskih klubova u sportskim objektima za 2020. godinu u iznosu od 281.000,00 KM koji bi se realizovao putem Sportskog saveza grada Tuzla.

- **Omladinski košarkaški klub „Sloboda“ Tuzla** uputio je prijedlog za povećanje iznosa na poziciji Grant neprofitnoj organizaciji – OKK „Sloboda“ Tuzla na 250.000,00 KM.

- **Radničko sportsko društvo „Sloboda“ Tuzla** uputilo je prijedlog da se na poziciji Grant neprofitnoj organizaciji RSD „Sloboda“ Tuzla uveća iznos sa planiranih 650.000,00 KM na 1.035.000,00 KM uz obrazloženje da je navedeni iznos neophodan za obezbjeđenje kontinuiteta u radu i poslovanju sportskih kolektiva koji su korisnici sredstava sa navedene pozicije.

- **MNK „Bosna-Kompred“ Tuzla** uputilo je prijedlog da se u Budžetu Grada Tuzla za 2021. godinu planiraju sredstva za finansiranje aktivnosti ovog kluba kao i za finansiranje

tradicionalne manifestacije „Otvoreno prvenstvo grada Tuzle u futsalu“ koju je klub organizovao u prethodnih sedam godina. U obrazloženju je navedeno da je MNK „Bosna-Kompred“ Tuzla najstariji futsal klub u BiH (osnovan 1975. godine) koji se takmiči u Premijer futsal ligi BiH i osvajač je brojnih trofeja.

- **Davor Pavlić**, u dijelu koji se odnosi na nadležnosti ove Službe dostavio je amandman za povećanje iznosa na poziciji „Grantovi pojedincima – za liječenje teško oboljelih u inostranstvu“ sa planiranih 20.000,00 KM na 50.000,00 KM.

- **Esana Kavazbašić – Huskanović**, vijećnica Gradskog vijeća Tuzla, u dijelu koji se odnosi na nadležnosti ove Službe uputila je sljedeće vijećničke amandmane:

- da se sredstva na poziciji Grant neprofitnoj organizaciji RSD „Sloboda“ Tuzla umanje za iznos od 10.000,00 KM i preusmjere Udruženju „Pipol“ u svrhu plaćanja tekućih troškova i troškova najma prostora za rad.

- da se u Budžetu Grada Tuzla za 2021. godinu osiguraju sredstva za Gender akcioni plan grada Tuzle, za „prvu fazu njegovog formiranja“ u iznosu od 50.000,00 KM sa budžetske pozicije 722422 – Grant za skloništa.

- da se sredstva na budžetskoj poziciji Grant za projekte za mlade uvećaju na 50.000,00 KM a razliku obezbijediti sa budžetske pozicije 722422 – Grant za skloništa.

- **Omladinski pokret Revolt** dostavio je sljedeće amandmane iz nadležnosti ove Službe:

- da se sredstva na poziciji „Grantovi pojedincima – za liječenje teško oboljelih u inostranstvu“ sa planiranih 20.000,00 KM uvećaju na 40.000,00 KM a da se sredstva obebije sa pozicije „Grant za pomoć Fondaciji „Istina-pravda-pomirenje“ u iznosu od 10.000,00 KM i pozicije Grant neprofitnoj organizaciji – Udruženje za razvoj „Nerda“ u iznosu od 10.000,00 KM

- da se sredstva na poziciji Grant za projekte za mlade uvećaju sa planiranih 23.000,00 KM na 43.000,00 KM a da se dodatna sredstva u iznosu od 20.000,00 KM obezbijede sa pozicije Transfer za rad parlamentarnih grupa – klubova vijećnika u GV Tuzla

- da se sredstva na poziciji Transfer za rad – Vijeće mladih grada Tuzla uvećaju sa planiranih 12.000,00 KM na 17.000,00 KM te predlaže konstantan rast izdvajanja na ovoj poziciji u narednim godinama a da se sredstava obezbijede sa pozicija Tekući grant vjerskim zajednicama (5.000,00 KM) i Izgradnja mostova (5.000,00 KM).

- **Vijeće mladih grada Tuzla** uputilo je sljedeće prijedloge na Nacrt Budžeta Grada Tuzla za 2021. godinu koji se odnose na nadležnosti ove Službe:

- da se uveća iznos sredstva na poziciji „Grant za projekte za mlade“ sa planiranih 23.000,00 KM na 50.000,00 KM a da se sredstva osiguraju smanjenjem iznosa na poziciji „Transfer za rad parlamentarnih grupa – klubova vijećnika“

- da se uveća iznos sredstava na poziciji „Transfer za rad – Vijeće mladih grada Tuzla“ sa planiranih 12.000,00 KM na 22.000,00 KM

- da se uvede nova budžetska pozicija na kojoj će biti planirana sredstva za realizaciju Akcionog plana za implementaciju Strategije za mlade grada Tuzla 2017.-2026. za period 2020. – 2022. godina.

- **Udruženje građana oštećenog vida Tuzla** uputilo je prijedlog da se ovo Udruženje uvrsti u Budžet Grada Tuzla uz obrazloženje da su budžetska sredstva neophodna za finansiranje režijskih troškova i troškova angažovanja jednog visokoobrazovanog slijepog radnika koji bi radio na namicanju sredstava za provođenje programskih aktivnosti organizacije, s tim da bi se iz gradskog budžeta finansirali troškovi neto plate a poreze i doprinose na platu subvencionirao bi Fond za profesionalnu rehabilitaciju i zapošljavanje osoba sa invaliditetom u Federaciji BiH. Uz prijedlog dostavljen je pregled budžeta u iznosu od 10.966,80 KM sa planom utroška, kratka informacija o radu udruženja te program rada i finansijski plan Udruženja za 2021.godinu.

7.1. IZJAŠNENJE NA PRIJEDLOGE I SUGESTIJE KOJE SU VIJEĆNICI GV TUZLA UPUTILI U TOKU 2. REDOVNE SJEDNICE GRADSKOG VIJEĆA TUZLA A KOJI SE ODOSE NA NADLEŽNOSTI SLUŽBE ZA KULTURU, SPORT, MLADE I SOCIJALNU ZAŠTITU

Na 2. redovnoj sjednici Gradskog vijeća Tuzla održanoj 29.1.2021. godine na kojoj je razmatran Nacrt Budžeta Grada Tuzla za period od 1.1. do 31.12.2021. godine vijećnici su uputili sljedeće prijedloge i sugestije koji se odnose na nadležnosti ove Službe:

Prijedlog SDP-a i vijećničke parlamentarne većine (SBB, Tuzlanska alternativa, DF i predstavnik nacionalnih manjina) je da sredstva predviđena za FK Sloboda, RSD Sloboda i sportske klubove ostane na prošlogodišnjem nivou, odnosno 1.035.000,00 KM na poziciji „Grant neprofitnoj organizaciji-RSD Sloboda Tuzla“. Prijedlog SDP-a i vijećničke većine podržali su i vijećnici drugih političkih partija koje participiraju u Gradskom vijeću (HDZ, Naša stranka, Platforma za progres)

Izjašnjenje Službe: Uzimajući u obzir izloženi stav većine vijećnika Gradskog vijeća Tuzla kao i dostavljeni prijedlog RSD „Sloboda“ Tuzla, Služba predlaže da se isti dodatno razmotre, uzimajući u obzir procjenu priliva sredstava u Budžet Grada Tuzla za 2021. godinu kao i prioritete utroška budžetskih sredstava, te da se shodno mogućnostima prijedlozi za uvećanje sredstava na navedenoj poziciji uvažavaju.

Vijećnica SBB-a, Sabiha Mujkanović dala je primjedbu na nedostatak planiranih sredstava za izradu Gender akcionog plana grada Tuzle te prijedlog da se, kao i prethodne godine, u Budžetu Grada Tuzle za 2021. planiraju sredstva za troškove vantjelesne oplodnje.

Izjašnjenje Službe:

- Sredstva predviđena za izradu Gender akcionog plana planirana su na poziciji „Grantovi neprofitnim organizacijama-udruženja i fondacije“.

- U Nacrtu Budžetu Grada Tuzle za 2021. godinu na poziciji „Grantovi pojedincima-socijalne jednokratne pomoći“ planirana su sredstva u iznosu od 400.000,00 KM. Pravilnikom o kriterijima i postupku za ostvarivanje prava na jednokratne novčane pomoći iz Budžeta Grada Tuzle („Službeni glasnik Grada Tuzle, broj: 12/19 i 2/20 regulisan je način dodjele jednokratne novčane pomoći za refundiranje dijela troškova za postupak vantjelesne oplodnje. Pravo na refundiranje dijela troškova može se odobriti jednom u toku kalendarske godine u iznosu od 2.000,00 KM. Pravo na refundiranje dijela troškova postupka vantjelesne oplodnje u 2020. ostvarilo je petnaest (15) parova. Služba je mišljenja da planirani iznos u Nacrtu Budžeta Grada Tuzle za 2021. od 400.000,00 KM nije dovoljan, obzirom na to da je u 2020. godini na poziciji „Grantovi pojedincima-jednokratne novčane pomoći“ utrošeno 503.274,20 KM.

Vijećnik Stranke za Bosnu i Hercegovinu, Admir Čavalić predložio je povećanje iznosa sredstava na poziciji „Grantovi pojedincima-za liječenje teško oboljelih u inostranstvu“ na 40.000,00 KM te povećanje na poziciji „Grant za projekte za mlade“.

Izjašnjenje Službe:

- U 2020. godini sredstva planirana na poziciji „Grantovi pojedincima-za liječenje teško oboljelih u inostranstvu“ iznosila su 100.000,00 KM. Služba je do kraja 2020. godine zaprimila samo jedan zahtjev te su u skladu sa članom 19. Pravilnika o kriterijima i postupku za ostvarivanje prava na jednokratne novčane pomoći iz Budžeta Grada Tuzle („Službeni glasnik Grada Tuzle, broj:12/19 i 2/20) odobrena sredstva u iznosu od 10.000,00 KM. Imajući u vidu prethodno navedeno kao i to da se sredstva dodjeljuju licima oboljelim od oboljenja koja se, po preporuci i mišljenju konzilija nadležne zdravstvene ustanove, ne mogu liječiti u Bosni i Hercegovini, Služba je mišljenja da je iznos od 20.000,00 KM dovoljan.

- U prethodne četiri godine sredstva na poziciji „Grant za projekte za mlade „ u iznosu od 23.000,00 KM, koja se dodjeljuju po javnom pozivu, nisu bila u potpunosti potrošena zbog nedovoljne zainteresovanosti omladinskih udruženja i nedostatka kapaciteta za pisanje projektnih prijedloga. Služba organizovala niz edukacija za pisanje projektnih prijedloga te putem Vijeća mladih pokušala animirati omladinska udruženja kako bi pokazala veću zainteresovanost za učešće na javnom pozivu.

Vijećnica Platforme za progres, Selma Čatibušić sugerisala je da je potrebno planirati sredstva za izradu Gender akcionog plana grada Tuzle, te navela da treba podržavati „manje sportove“ jer Šahovski klub „Sloboda“ nije mogao otići na takmičenje zbog nedostatka finansijskih sredstava.

Izjašnjenje Službe:

- Sredstva predviđena za izradu Gender akcionog plana planirana su na poziciji „Grantovi neprofitnim organizacijama-udruženja i fondacije“.U februaru 2019. godine Gradonačelnik je donio Oduku o pristupanju izradi Gender akcionog plana grada Tuzle koji bi trebao biti donešen do kraja godine. Prilikom izrade Gender akcionog plana uključice se predstavnici svih relevantnih institucija i nevladinog sektora te zajednički utvrditi ciljeve i prioritetne oblasti, a na osnovu sprovedenog istraživanja.
- Šahovski klub „Sloboda“ u 2020. godini nije dobio finansijska sredstva od Grada Tuzle s obzirom da je u 2019. godini dobio 8.315,00 KM te i pored brojnih dopisa nije dostavio dokaz o namjenskom utrošku sredstava u iznosu od 1.000,00 KM.

Vijećnici SD, Mirel Mišković i Hasib Hirkić, predložili su povećanje iznosa sredstava na poziciji „Grant za Aeroklub Tuzla, s obzirom da su u Nacrtu Budžeta za 2021. godinu smanjena na 12.000,00 KM.

Izjašnjenje Službe:

Služba je u svom Prijedlogu Budžeta za 2021. predložila iznos od 25.000,00 KM s obzirom da klub djeluje od 1947. godine i ima veliki značaj u vanrednim situacijama.

Vijećnik PDA, Senad Mehmedinović pohvalio je finansiranje UG Vive žene iz Budžeta Grada Tuzle, s obzirom da se na taj način finansira rad Sigurne kuće, jedine na području Tuzlanskog kantona.

Izjašnjenje Službe:

Služba je u svom Prijedlogu Budžeta, broj 17-360/20, predložila 50.000,00 KM na poziciji „Transfer za rad-UG Vive žene“ s obzirom da je godišnji budžet potreban za rad Sigurne kuće 380.000,00 KM.

Nezavisni vijećnik -predstavnik nacionalnih manjina, Nedžad Jusić predložio je, s obzirom da Tuzla ima veliki broj kvalitetnih nevladinih organizacija, da se obezbijede ulazna finansijska sredstva kako bi nevladine organizacije mogle aplicirati za IPA fondove.

Izjašnjenje Službe:

U Nacrtu Budžeta Grada Tuzle za 2021. na poziciji „Grant neprofitnim organizacijama- Učešće grada u projektima EU, drugih međunarodnih i ostalih neprofitnih organizacija“ planirana su sredstva u iznosu od 10.000,00 KM.

Vijećnik Naše stranke, Omer Berbić predložio je da se povećaju sredstva na poziciji „Grantovi za zaštitu kulturno-historijskog naslijeđa“.

Izjašnjenje Službe:

S obzirom da su sredstva na navedenoj poziciji u 2020. godini ostala neutrošena Služba je mišljenja da je 18.000,00, koliko je predviđeno Nacrtom Budžeta Grada Tuzle za 2021. dovoljno za implementaciju projekata iz oblasti kulturno-historijskog naslijeđa. Sredstvima sa

ove pozicije nije moguće obavljati Barutanu kako je predlagao vijećnik s obzirom na to da se ne radi o kapitalnom grantu.

Vijećnica SDP-a, Merima Softić predložila je povećanje sredstava na poziciji „Grant neprofitnoj organizaciji-KK jedinstvo Dženex“ sa 20.000,00 KM na 30.000,00 KM.

Izjašnjenje Službe:

Na navedenoj poziciji predviđen je iznos od 30.000,00 KM u Prijedlogu Budžeta Grada Tuzla za 2021.godinu.

8. IZJAŠNENJE NA PRIJEDLOGE I PRIMJEDBE NA NACRT BUDŽETA GRADA TUZLA ZA 2021. GODINU A KOJI SE ODOSE NA NADLEŽNOSTI SLUŽBE ZA KOMUNALNE POSLOVE, IZGRADNJU I POSLOVE MJESNIH ZAJEDNICA

Služba za komunalne poslove, izgradnju i poslove mjesnih zajednica očitovale se na prijedloge i primjedbe na Nacrt Budžeta Grada Tuzle za 2021. godinu koji su u okviru propisanih nadležnosti Službe, kako slijedi:

NEDŽAD MALIKIĆ

Prijedlog da se planiraju sredstva za realizaciju projekata sanacije puteva uz sufinansiranje građana

Izjašnjenje Službe:

Budžetom su na odgovarajućoj poziciji predviđena sredstva u iznosu preko 865.000 KM za realizaciju projekata sanacije puteva (preko 20 pojedinačnih projekata) za koje je ispunjen uslov sufinansiranja od strane građana.

Prijedlog da se planira iznos od 300.000 KM za modernizaciju javne rasvjete na sjevernoj i južnoj gradskoj saobraćajnici u cilju ušteta u pogledu utroška električne energije

Izjašnjenje Službe:

U vezi sa navedenim bitno je istaći da je Grad Tuzla u 2020. godini na osnovu pismenog sporazuma o saradnji sa UNDP navedenoj organizaciji uplatio iznos od 200.000 KM, za potrebe provođenja aktivnosti koje su predmet prijedloga. Ostatak projekta do pune vrijednosti će finansirati UNDP, i to u iznosu od 150.000 KM, u okviru kojih aktivnosti će u konačnom doći do zamjene postojećih rasvjetnih tijela odnosno cca 1000 sijalica energetski efikasnijim LED sijalicima, što će u konačnom dovesti do smanjenja utroška električne energije u okviru sistema javne rasvjete, što i jeste smisao projekta ali i konkretnog prijedloga.

Prijedlog za povećanje sredstva za projekat sanacije puta u naselju Mandići

Izjašnjenje Službe:

Kapitalnim budžetom predviđen je ukupni iznos od 1.100.000,00 KM za navedene radove, ali je potrebno istaći da Rudnik soli d.d. Tuzla aktom od 26.01.2021. godine nije dao konačnu saglasnost na projektno rješenje iako je na isto dao načelnu saglasnost u maju 2017. godine, imajući pri tome u vidu da je Grad Tuzla ispunio sve uslove iz načelne saglasnosti i ostale uslove postavljene od strane Rdunika soli d.d. Tuzla.

NEDŽAD MALIKIĆ I NIKICA VIDOVIĆ

Prijedlog da se sredstva za higijenu, zimsku službu i zelene površine planiraju u većem iznosu

Izjašnjenje Službe:

Imajući u vidu opravdanost prijedloga isti se prihvata te se prijedlogom budžeta sredstva za predmetnu namjenu uvećavaju za iznos od 50.000 KM.

MIREL MIŠKOVIĆ

Zahtjev da se pojasni iskazani suficit u Budžetu na stranici 8., tabela 1.7 u dijelu sredstva od prihoda ostvarenih radom Termoelektrane.

Izjašnjenje Službe:

Kada su u pitanju sredstva planirana od prihoda ostvarenih radom Termoelektrane od 2020. godine u navedeni iznos su uključene reezervacije iz 2019. godine u pogledu projekata koji nisu okončani, a o čemu je Gradsko vijeće Tuzla detaljno upoznato u dokumentu Budžeta Grada Tuzle za 2020. godinu.

Zahtjev da se pojasni 100 % povećanje sredstava za higijenu i zelene površine

Izjašnjenje Službe:

U 2020. godini navedeni poslovi su se finansirali iz dva fonda, dok se u nacrtu i prijedlogu budžeta za 2021. godinu finansiranje predmetnih poslova planira iz jednog fonda, i to u istom iznosu kao u Budžetu Grada Tuzle za 2020. godinu.

SENAD MEHMEDINOVIĆ

Zahtjev za dodatne informacije u vezi sa iznosom od 50.000 KM za održavanje Kompleksa Slana banja

Izjašnjenje Službe:

U proteklom periodu u kontinuitetu se planiraju sredstva u navedenom iznosu za predmetnu svrhu, a ove godine najznačajnije planirano u okviru navedenog iznosa odnosi se na sanaciju spomen ploča na partizanskom groblju koje su u izuzetno lošem stanju i nisu sanirane u proteklih nekoliko decenija.

ĆERIM RASTODER

Primjedba koja se odnosi na nemogućnost apliciranja građana MZ Solana na javne pozive za sufinansiranje mjera smanjenja aerozagađenja

Izjašnjenje Službe:

Kada je u pitanju navedeno potrebno je istaći da prema Odluci Gradskog vijeća Tuzla legalnost objekta nije propisana kao jedan od uslova, odnosno i objekti koji eventualno nisu legalizirani mogu ostvariti pravo na sufinansiranje ukoliko ispunjavaju propisane uslove.

ĆERIM RASTODER I OMER BERBIĆ

Prijedlog za uređenje terena stadiona Tušanj

Izjašnjenje Službe:

Uvažavajući osnovanost prijedloga isti se prihvata te je Grad Tuzla planirao u prijedlogu budžeta iznos od 400.000 KM, koji predstavlja inicijalni iznos, uz napomenu da Grad Tuzla očakuje u predstojećem periodu u saradnji sa Nogometnim savezom BiH i Tuzlanskim kantom osiguranje dodatnih sredstava za stadion Tušanj, uključujući i za radove koji su predmet prijedloga, i to po izradi odgovarajuće projektne dokumentacije u kojoj će se utvrditi precizniji neophodni radovi i sredstva potrebna za iste.

ŠEFIK HUSIĆ

- Zahtjev da se pojasni iznos planiran za utrošak električne energije u okviru sistema javne rasvjete

Izjašnjenje Službe:

Rashodi u pogledu utroška električne energije u okviru sistema javne rasvjete planirani su na bazi stvarnih troškova električne energije ostvarenih u 2020. godini za cijeli sistem javne rasvjete na području grada Tuzla.

- Zahtjev da se pojasni iznos planiran za izgradnju i održavanje javne rasvjete

Izjašnjenje Službe:

U okviru ovog iznosa iznos od 600.000 KM planiran je za potrebe održavanja postojećeg sistema javne rasvjete (planirano na osnovu ostvarenih troškova u proteklom periodu za predmetnu namjenu) dok je preostali iznos planiran za realizaciju projekata širenja javne rasvjete u dijelovima grada Tuzle u kojima postoji potreba izgradnje javne rasvjete, i to uz finansijsko učešće građana.

- Zahtjev da se pojasni iznos planiran za mostove

Izjašnjenje Službe:

U vezi sa sredstvima planiranim na poziciji Izgradnja, rekonstrukcija i sanacija mostova bitno je istaći da se planirana sredstva ne odnose na pješački most na lokaciji kod Šaćira, uz napomenu da su sredstva planirana za projekte nastavka izgradnje pješačkog mosta u naseljima Sjenjak i Simin Han, kao i sanacija postojećih pješačkih i kolskih mostova na lokacijama na kojima postoji realna potreba za sanaciju.

ADMIR ČAVALIĆ

Pitanje da li će se građanima i privrednicima vratiti sredstva uplaćena po osnovu komunalne naknade

Izjašnjenje Službe:

Imajući u vidu činjenicu da je naplata komunalne naknade u posljednjem kvartalu 2019. godine izvršena u skladu sa važećim Zakonom o komunalnim djelatnostima ne postoji osnov za povrat sredstva koja su fizička i pravna lica uplatila u budžet na osnovu ispostavljenih rješenja.

ZDENKA DŽINIĆ

Prijedlog da se planiraju sredstva za sanaciju lokalnog puta u naselju Jasici u dužini cca 700m

Izjašnjenje Službe:

Grad Tuzla će imati u vidu potrebu sanacije predmetnog puta, ali treba imati u vidu i činjenicu da se predmetni put koristi kao pristupni za potrebe izgradnje poslovnog objekta investitora DEPLAST d.o.o., koja izgradnja je još uvijek u toku.

SEAD HASIĆ I MUSIĆ JUSUF

Zahtjev za planiranje dodatnih 150.000 KM na poziciji izgradnje i rekonstrukcije puteva a za potrebe rekonstrukcije puta Kamenjaši-Avdibašići u dužini cca 1300 m

Izjašnjenje Službe:

Predloženi iznos nije dovoljan za predmetne radove, te je prije svega potrebno izraditi detaljniju projektnu dokumentaciju na osnovu koje bi se pokrenuli postupci ishodovanja potrebnih dozvola i konačni iznos potrebnih sredstava. Put Dokanj-Breške-Obodnica-Previle predložen je za prekategorizaciju u regionalnu cestu, te je od strane nadležnog ministarstva dobijeno pozitivno mišljenje u pogledu prekategorizacije, na osnovu kojeg će u konačnom odluku o prekategorizaciji donijeti Vlada Federacije BiH.

DAVOR PAVLIĆ

Prijedlog da se povećaju planirana sredstva za grantove za nabavku i ugradnju toplotnih MRS, tekuće održavanje prostorija mjesnih zajednica, sanaciju klizišta , higijenu, zimsku službu i zelene površine

Izjašnjenje Službe:

Navedeni prijedlog se ne može prihvatiti iz razloga što bi se prihvatnjem istog umanjila sredstva na vrlo značajnim pozicijama u Budžetu, kao što su između ostalog Grant za energijsku efikasnost u iznosu od 1.000.000 KM, u okviru kojeg granta Grad Tuzla kao jedini pozitivan primjer u državi a možda i regionu vrši dodjelu sredstava za implementaciju mjera smanjenja aerozagađenja (ugradnja peći na pelet, toplotnih pumpi, utopljanja objekata i

kompaktnih toplinskih podstanica) što se u proteklom periodu pokazalo kao vrlo uspješan oblik saradnje jedinice lokalne samouprave i građana u borbi protiv aerozagađenja.

NEFORMALNA GRUPA GRAĐANA (PREDSTAVNIK GRAĐANA BILALIĆ MIRSAD)

Prijedlog da se planiraju sredstva za realizaciju projekta širenja vodovodne mreže u naselju Križani

Izjašnjenje Službe:

Sredstva za izvođenje radova koji su predmet prijedloga planirana su u okviru pozicije izgradnja i rekonstrukcija vodovodne mreže.

GRUPA GRAĐANA IZ ULICE IVE ANDRIĆA (PREDSTAVNIK GRAĐANA IVAN PETRIĆ)

Prijedlog da se planiraju sredstva za izgradnju puta, javne rasvjete i kanalizacije u ulici Ive Andrića br. 107-118

Izjašnjenje Službe:

Finansiranje vrste radova koji su predmet prijedloga planirani su u okviru već postojećih pozicija, te će se razmotriti mogućnost izvođenja predmetnih radova u okviru dostupnih sredstava.

GRAĐANI IZ ULICE VRŠANI 140 DO 101

Prijedlog da se planiraju sredstva za asfaltiranje puta i izgradnje javne rasvjete u ulici Vršani od 140 do 101

Izjašnjenje Službe:

Finansiranje vrste radova koji su predmet prijedloga planirani su u okviru već postojećih pozicija, te će se razmotriti mogućnost izvođenja predmetnih radova u okviru dostupnih sredstava.

MJESNA ZAJEDNICA BUKINJE

Prijedlog da se planiraju sredstva za izgradnju vodovodne mreže u naselju Gornji Hudeč Krtolije kao i nastavak izgradnje puta u dužini cca 750 m

Izjašnjenje Službe:

Kada je u pitanju izgradnja vodovodne mreže nadležna služba će prije svega sa JKP „Vodovod i kanalizacija“ d.o.o. Tuzla razmotriti i utvrditi mogućnosti i uslove priključenja novih korisnika na eventualno proširenu mrežu sistema vodosnabdijevanja. Prije planiranja sredstava za nastavak izgradnje puta potrebno je prije svega utvrditi precizniji iznos sredstava potrebnih za izgradnju, odnosno planiranje sredstava za izgradnju puta.

9. IZJAŠNJENJE SLUŽBE ZA BUDŽET I FINANSIJE NA PRIJEDLOGE I PRIMJEDBE NA NACRT BUDŽETA GRADA TUZLA ZA 2021.GODINU

U toku rasprave o Nacrtu Budžeta Grada Tuzla za 2021. godinu na II sjednici Gradskog vijeća Tuzla postavljeno je više pitanja i prijedloga na koje se Služba za budžet i finansije očituje, kako slijedi :

- vezano za utrošak sredstava za izgradnju poslovnih prostora u 2020.godini.

Obrazloženje Službe:

Za nabavku poslovnih prostora u 2021. godini planirano 50.000,00 KM iz razloga jer su ova sredstva predviđena za nastavak realizacije projekta Poslovne zone, a u funkciji stvaranja povoljnijeg poslovnog ambijenta za investitora i poduzetnike.

Vazano za utrošak sredstava za izgradnju poslovnih prostora u 2020.godini,

izvršena je rekonstrukcija i uređenje gradskog poslovnog prostora u staroj jezgri grada (u blizini Kapije), koje je Gradsko vijeće Tuzla namijenilo za Memorijalnu spomen sobu za nevino stradalu mladost na Kapiji 1995.godine. Za ovu namjenu realizovana su sredstva u iznosu od 103.700,00 KM.

- u vezi povećanja sredstava granta Udruženju za razvoj Nerda iz Tuzle

Obrazloženje Službe:

Povećanje sredstva odnosi se na obezbjeđenje potrebnih sredstava za pokriće troškova vezanih za realizaciju Projekta uređenja prirodnog parka Ilinčica, obzirom da je u navedenom projektu Udruženje za razvoj Nerda partner Grada Tuzla.

- u vezi traženja dodatnog pojašnjenja o izkazanom suficitu u iznosu od 5.100.000,00 KM, na stranici 8., tabela 1.7., u dijelu Fonda sredstava od naknade za prihode ostvarene radom termoelektrana,

Obrazloženje Službe:

Navedena kolona odnosi na sredstva Fonda sredstava od naknade za prihode ostvarene radom termoelektrana za 2020. godinu, te da su u Budžetu 2020. godine u ovaj fond unesena sredstva suficita iz 2019.godine u iznosu od 5.105.957,51 KM i ista se odnose na sredstva izvršenih rezervacija u ovom fondu na dan 31.12.2019. godine u iznosu od 3.211.628,18 KM, a razlika ostvarenog suficita raspoređena je za finansiranje novih rashoda-izdataka;

- na pitanje da li su planirana sredstva za higijenu grada, zelene površine i zimsku službu povećana 100 %,

Obrazloženje Službe:

Sredstva nisu povećana nego su ostala na nivou Budžeta 2020. godine, uz razliku da su u Budžetu za 2021. godinu alocirana u ukupnom iznosu u Opštem fondu, dok su u 2020. godini ista bila predviđena i na Fondu sredstava od naknade za prihode ostvarene radom termoelektrana, približno sa polovinom ukupno planiranih sredstava;

- u vezi potrebe pojašnjenja povećanja prihoda od iznajmljivanja imovine u dijelu prihoda JU " Gradski stadion Tušanj" Tuzla,

Odgovor:

JU Gradski stadion Tušanj Tuzla dostavila je pojašnjenje da se radi o prihodima koji se prikupljaju po osnovu iznajmljivanja nogometnih terena za trenazni proces, odigravanje utakmica Premijer nogometne lige BiH, kao i za rekreativne aktivnosti.

Plan ovih sredstava je baziran na kontinuiranom iznajmljivanju tokom 2021. godine, dok je u 2020. godini, na osnovu epidemioloških mjera bio zabranjen rad sportskih objekata zbog pandemije, te se nisu vršile usluge iznajmljivanja u određenom periodu godine.

- u vezi sa visinom sredstava koja se u Gradskom vijeću Tuzla ostvaruju po osnovu naknada vijećnicima i članovima radnih tijela Gradskog vijeća Tuzla.

Obrazloženje Službe:

U vezi sa navedenim obavještavamo Vas da su stalne mjesečne naknade vijećnicima, naknade za prisustvo sjednicama vijeća, naknade članovima radnih tijela vijeća, te ostale naknade u vezi sa radom u Gradskom vijeću Tuzla u Budžetu planirane u skladu sa Odlukom o naknadama vijećnicima i članovima radnih tijela Općinskog vijeća Tuzla („Službeni glasnik Općine Tuzla“, broj: 6/97, 10/02, 2/06, 1/09 i 11/10) i Odlukom o naknadama predsjedavajućem, zamjeniku predsjedavajućeg, predsjednicima klubova vijećnika i nezavisnim vijećnicima iz reda nacionalnih manjina – članovima kolegija Gradskog vijeća Tuzla („Službeni glasnik Općine Tuzla“, broj:8/07) i („Službeni glasnik Grada Tuzla“, broj:7/17),

U budžetu je potrebno planirati sredstva u skladu sa naprijed navedenim odlukama, a bilo kakva izmjena visine planiranih sredstava predhodno zahtjeva izmjenu navedenih odluka;

- u vezi primjedbe da su u Budžetu Grada Tuzla za 2021. godinu povećana sredstva za plaće i naknade uposlenih u gradskoj upravi Tuzla,

Obrazloženje Službe:

Visina pojedinačnih plaća za propisana radna mjesta, u Budžetu Grada Tuzla za 2021. godinu, u gradskoj upravi planirana su na nivou visine plaća iz predhodnih godina, odnosno u 2021. godini nije planirano povećanje plaća niti propisanih naknada uposlenika.

Obračun i isplata plaća i naknada uposlenika u gradskoj upravi vrši se u skladu sa Odlukom o plaćama uposlenika općinskih organa Tuzla („Službeni glasnik Općine Tuzla“, broj: 03/13, 11/17 i 3/19) i Odlukom o naknadama uposlenika općinskih organa Tuzla („Službeni glasnik Općine Tuzla“, broj: 11/10, 1/11, 10/11 i 8/12);

- u vezi primjedbe koja se odnosi na isplate naknada za rad predsjednika i članova Gradske izborne komisije Tuzla,

Obrazloženje Službe:

Visina naknade za rad u Gradskoj izbornoj komisiji propisana je članom 2.12.stav 9. Izbornog Zakona BiH („Službeni glasnik BiH“, broj: 23/01), i glasi:

„Članovi izbornih komisija osnovne izborne jedinice imaju pravo na stalnu mjesečnu naknadu za svoj rad, visinu naknade utvrđuje Centralna izborna komisija BiH svojim propisom, tako da se u izbornom periodu ona isplaćuje najviše u visini isplaćenog paušala odbornika, odnosno vijećnika u toj osnovnoj izbornoj jedinici, a izvan izbornog perioda 30 % od tog iznosa“

U skladu sa naprijed navedenom zakonskom odredbom u Budžetu Grada planiraju se sredstva za finansiranje rada Gradske izborne komisije.

- u vezi primjedbe izrečene na visinu planiranih sredstava koja se izdvajaju za rad političkih subjekata koji participiraju u Gradskom vijeću

Objasnjeno Službe:

Sredstva za ovu namjenu planirana su u skladu sa Odlukom o izdvajanju sredstava iz Budžeta Općine Tuzla za rad političkih stranaka, nezavisnih vijećnika, koalicija i lista nezavisnih kandidata („Službeni glasnik Općine Tuzla“, broj: 1/02, 12/06, 8/07, 11/11, 2/13 i 3/13) i („Službeni glasnik Grada Tuzla“, broj: 12/17).

Ovom Odlukom uređena je visina i način raspodjele sredstava iz budžeta za rad političkih subjekata koji participiraju u Gradskom vijeću Tuzla.

- u vezi sa pitanjem opravdanosti planiranih sredstava za nabavku zemljišta u okviru Službe za Geodetske i imovinsko- pravne poslove,

Objasnjeno:

Nabavka zemljišta u okviru Službe za Geodetske i imovinsko- pravne poslove, u iznosu od 300.000,00 KM, planirana je u skladu sa Odlukom Gradskog vijeća Tuzla o uvjetima i načinu pribavljanja i raspolaganja nekretninama u vlasništvu Grada Tuzla („Sl.glasnik Grada Tuzla“, broj:5/19 i 6/19).

Sredstva planirana u Budžetu Grada Tuzla za 2021.godinu u ovom slučaju konkretno su povezana sa provođenjem Odluke o usvajanju Regulacionog plana poslovne zone Kreka-Sjever u Tuzli („Sl.glasnik Grada Tuzla“, broj: 10/14), kojom je predviđeno formiranje 29 pojedinačnih proizvodno-prerađivačkih kompleksa. S obzirom da svi kompleksi nisu u vlasništvu Grada Tuzle predviđen je nastavak aktivnosti na pribavljanju zemljišta u vlasništvo Grada, odnosno stvaranje uslova za pravo građenja u korist budućih investitora.

10. ZAKLJUČAK

Nakon uvida i detaljne analize naprijed navedenih prijedloga i sugestija dostavljenih u postupku javne rasprave na Nacrt Budžeta Grada Tuzla za 2021.godinu, proizilazi zaključak da zahtjevi za povećanjem sredstava u značajnoj mjeri prevazilaze sredstva koja je realno moguće planirati u Budžetu Grada Tuzla za 2021.godinu.

Obzirom da je veliki broj učesnika u javnoj raspravi u svojim zahtjevima za povećanje sredstava na budžetskim stavkama davao konkretne prijedloge da se nedostajuća sredstva povećaju na način da se izvrše umanjena određenih budžetskih stavki koja se finansiraju iz namjenskih sredstava, iste nije bilo moguće primjeniti jer su za određene izvore finansiranja zakonom unaprijed utvrđene namjene.

Ukupno raspoloživa sredstva za finansiranje rashoda u Prijedlogu Budžeta Grada Tuzla za 2021.godinu u odnosu na utvrđeni Nacrt Budžeta Grada Tuzla za 2021. godinu veća su za 4.022.793,76 KM. Napominjemo da su u iznos ukupnog povećanja uključena sredstva po osnovu prenesenih rezervacija u iznosu od 1.839.601,41 KM koja se odnose na pokrenute i ugovorene rezervacije iz 2020.godine, kao i sredstva po osnovu grantova i donacija viših nivoa vlasti i građana dodjeljenih za komunalne projekte.

Povećanjem ukupno raspoloživih sredstava, umanjnjem rashoda na pojedinim pozicijama u Prijedlogu Budžeta Grada Tuzla za 2021. godinu u odnosu na Nacrt Budžeta Grada Tuzla za 2021. godinu, kao i preraspodjelom rashoda, omogućena su sredstva za finansiranje rashoda iz nadležnosti Grada Tuzla, te su u skladu sa prijedlozima i sugestijama učesnika javne rasprave izvršena povećanja postojećih i uvrštavanje novih pozicija, po oblastima, kako slijedi:

- Za finansiranje rashoda iz oblasti komunalne infrastrukture povećanje u ukupnom iznosu od 2.834.850,02 KM, raspoređeno je na pozicijama:

1. Izgradnja, rekonstrukcija i održavanje puteva u iznosu od 723.467,24 KM,
2. Toplifikacija u iznosu od 790.128,59 KM,
3. Izgradnja i održavanje javne rasvjete u iznosu od 88.889,02 KM,
4. Izgradnja mostova u iznosu od 11.716,94 KM,
5. Izgradnja vodovodne i kanalizacione mreže u iznosu od 582.296,04 KM,
6. Izgradnja i rekonstrukcija stadiona Tušanj u iznosu od 400.000,00 KM,
7. Izrada projektne dokumentacije i izdavanje saglasnosti za projekte komunalne infrastrukture u iznosu od 83.971,06 KM,
8. Projekti energetske efikasnosti na javnim objektima u iznosu od 29.491,60 KM,
9. Izdaci za održavanje kompleksa Slana Banja u iznosu od 18.320,00 KM,
10. Izgradnja, rekonstrukcija i sanacija parkova u iznosu od 74.361,31 KM,
11. Rekonstrukcija Društvenog doma Kreka u iznosu od 91.854,03 KM.

- Za finansiranje rashoda iz oblasti ekonomskog razvoja, poduzetništva i poljoprivrede povećanje u ukupnom iznosu od 305.405,47 KM, kako slijedi:

1. Javnih ustanova sistema Trezora u iznosu od 103.405,47 KM
2. Javnih preduzeća: JP BIT Centar, JZU Gradske apoteke i Tržnice pijace DOO u iznosu od 100.000,00 KM i
3. Kapitalni grant JZNU Dom zdravlja „Dr. Mustafa Šehović“ Tuzla u iznosu od 100.000,00 KM.

- **Za finansiranje socijalno ugroženih građana povećanje u ukupnom iznosu od 42.000,00 KM raspoređeno je na pozicijama:**
 - Transfer za rad UG "Viva žene" Tuzla u iznosu od 5.000,00 KM,
 - Transfer za rad organizacija i udruženja iz oblasti BiZ - a u iznosu od 23.000,00 KM,
 - Grant za povratak LAP readmisija u iznosu od 14.000,00 KM.

- **Za aktivnosti sporta povećanje u ukupnom iznosu od 488.000,00 KM, raspoređeno je na pozicijama:**
 - Grant neprofitnoj organizaciji RSD "Sloboda" Tuzla u iznosu od 385.000,00 KM,
 - Grant neprofitnoj organizaciji KK "Jedinstvo - Džnex" Tuzla u iznosu od 10.000,00 KM,
 - Grant neprofitnoj organizaciji OKK "Sloboda" Tuzla u iznosu od 85.000,00 KM
 - Grant za Aero klub Tuzla u iznosu od 8.000,00 KM.

- **Za realizaciju Akcionog plana Roma povećanje u iznosu od 17.705,68 KM.**

- **Za finansiranje rashoda iz oblasti civilne zaštite povećanje u ukupnom iznosu od 274.752,29 KM.**

- **Za finansiranje rashoda iz oblasti socijalnog stambenog zbrinjavanja u okviru Fonda za socijalno stanovanje, povećanje u ukupnom iznosu od 6.100,00 KM. Sredstva se koriste za podmirenje troškova tekućeg održavanja stambenih jedinica - stanova po principu neprofitnog socijalnog stanovanja.**

- **Obezbijedena su sredstva u iznosu od 12.000,00 KM za nabavku opreme (stolovi i audio oprema) koja je potrebna kako bi se omogućilo nesmetano održavanje sjednica Gradskog vijeća Tuzla u skladu sa propisanim epidemiološkim mjerama.**

- **Preraspodjelom u Prijedlogu Budžeta Grada Tuzla za 2021.godinu povećana su sredstva za rad zimske službe u iznosu od 50.000,00 KM.**